


FRANCISCI
MILDAPETTI NA-
VARRENI AD EVERAR-
DVM DIGBEIVM AN-
GLVM ADMONITIO DE
UNICA P. RAMI ME-
THODO REIECTIS
CAETERIS RE-
TINENDA.

Act
80 M. 100.



8858

¶ LONDINI,
Excudebat Henricus Middletonus,
impensis Thomæ Man.
ANNO 1580.



ILLUSTRISSIMO

DOMINO, DOMINO

PHILIPPO COMITI

ARVNDELLIO FRANCIS-

CVS MILDAPETTVS

NAVARRENVS.

L. D.



IALECTICA (Philippe Comes illustrissime) olim florere cepit, cum veteres illi Socrates, Plato, Aristoteles, excolendis litterarum disciplinis incubarent. Ac post-

quam ex Athenarum finibus evecta per Arabiam, Italiam, Germaniam, Galliam, civitates peragrata est, sese ita externis moribus oblinebat, ut amissa penitus sanitate vehementer languesceret. & acute differere prudenterque didiceret. Nam cum a Peripateticis, hominibus illis quidem, excellenti ingenio, sed non satis libero iudicio tractaretur, duplicem labem contraxit, alteram nempe preceptorum, alteram exercitationis & usus. Siquis precepta spectet, dolabit id in artem pulcherrimam irrepisse.

A 2

quod

quod ipse non modo non ornaret, sed turpiter
 imminueret dignitatem. Quid enim commen-
 titi, quid alieni non in eandem homines in
 schola semper & umbra differentes conjece-
 runt? Non intellexerunt ut ceteras artes sic
 dialecticam e natura observatione deductam,
 ita effingendam esse ut a natura non aberret.
 Hinc predicabilia & predicamenta exorta
 sunt: quae erant a Peripateticis celebrata tā-
 topere & documata, ut qui de eis dē valenter
 & bonis lateribus clamare didicisset, is non
 modio cri ornamento putaretur excultus logi-
 ca disciplina. Hinc modalium, oppositionum,
 conversionum argutiae emerferunt: in quibus
 non rei obsoleta & pervagata scientia deli-
 rescere, sed excellentissima sapientiae splendor
 elucere credebatur. Hinc reductionum & syl-
 logismi demonstrativi subtilitas emanavit:
 cui tantum ab argutulis sophistis tributum
 est, vix ut putetur ab hominibus cogitata,
 sed ad homines in Lyceo spatiantes transmis-
 sa diuinitus. Hinc deniq; sese variarum me-
 thodorum elegantia profuderunt: a quibus
 instructi Peripatetici, magnam intra domesti-
 cos pariter et gloriam consecuti sunt. Atque
 idcirco res cum sint naturae in umbraculis otto-
 forum,

forum, cum perpolita artificijs sophistarum,
 cum distincta elenchorum inepuis & exor-
 natis, qui non arti dialecticae gravissimam la-
 borem aspergere potuerunt? Insuper etiam in
 usu dialecticae laborem non minorem. Vis illa
 humanae rationis nullam habet definitam re-
 gionem, cuius terminis septa teneatur. Sed
 ad omnia, quae intelligi explicariue possunt,
 quasi rivis diducta est. At ita artificiosa ra-
 tio, quam dialecticam usurpamus, et si sit velut
 imago aliqua in quam varietationis facul-
 tates universae transferendo sunt, tamen est
 non in communem viam consuetudinem edu-
 cta, non adhibita ad res singulas explicandas,
 non ad omnes conveniens dimissa, sed philoso-
 phorum libellis coelusa, & ad scholasticae proble-
 matis altercationem tantum relegata. Quare amilis
 illa in Lyceis & otiosa ambulans fecit, ut dia-
 lectica quasi falsa sedibus suis & exposita pa-
 rrimoniae civis dignitatis in scholasticis laboribus
 delicesceret. Quod cum vidisset P. R. Romulus pro
 eo quo fuit ingenio propè singulari, suscepit ille
 dialectica exposita labor & laborum hercule gra-
 vissima contentione & invidia. Inquisivit in
 predicabilia, eaque adulterinis depicta coloribus
 deprehendit. Pradicamentis licet intem-

dis, quod non precario sese in aliorum sinibus collocassent, sed summa vi in eosdem irrupissent. Quid modalium, oppositionum, conversionum delitisse an placuerunt? equidem diuina ferre non potuit. Quis enim spinosis sophismatibus in modalium doctrina modus? quid non in quibusdam oppositionibus opponitur veritati? quae non in conversionibus perversa disciplina? porro demonstrandi syllogismi delirium excussit & profligavit. pro unica methodo adversus Galenum & interpretes Aristoteles acerrime dimicavit, eamque sophismatum multitudinem oppressam vindicavit. Sic denique totam artem prudenter conformavit, ut si quis illius vltimum membrum divulgatum & disceptum esse videret, is artificiose instructam pulcherrimam disciplinam fabricam turpissime dissolveret. Quin etiam, quod maximum est, ipsum logicæ acutissimam amplissimam luculentem & illustravit. Dialecticam olim advocatam a schola in clarissimam lucem collocavit: produxit in forum & prostravit sapienter de libris perorantem. evexit in iudicium subiecta ut logicæ mentem interpretetur, & rationem ferendam sententia administret: dimisit in Curiam, ut tanquam magistra prudentiae consilij presidat: transfudit etiam in campum & actem,

ut omnes militia obeunda vias peruestiget & exponat: deniq; eandem ad singulos vite usus commodissime dispersit. Quidam est ista P. Rami in perpurgandis dialecticis improbata industria? certe qua coli ab universis propter summā utilitatem & celebrari propter accuratissimam rationem precepti debebant, ea a nonnullis repudiata cum fastidio, & asperius reprehensa sunt. Prodiit non ita pridem Eberardi Digbei adversus unicā P. Rami metho-
dū dialogus: equidē, ut multi opinantur, magis audacter emissus, quā enoditē contextus: ut ego existimo, non ita magno iudicio institutus. Attenit enim ad eandē pervellendā nō vim acutissima rationis, sed cōsentū ingenii sui, illudq; per omnes dialogi partes ita susū sine artificio, ut quidvis potius agere quā de methodo differere videatur. Non alienū igitur fore p-
cavi, si dialogi istius artificium retexerem, & Digbeū de omni methodo retinēdā liberē, sed tamen modeste admonerem. Quod quidem feci nullā ostentatione ductus, aut in suscipiendo ingenii, aut in perficiendo laboris & industrie. Ecce vero de quibus sum ad Ramos disciplina-
defensionem privatim cōmentatus, ea inscrip-
ta nomini tuo (nobilissime Comes) in lucem di-

vulgavi. Nāque duae res generis amplitudine
vehementer ornant, ea in te elacent amba, li-
terarū nempe cognitio & studium iuvandi li-
teratos. Illa te, quāvis adhuc in flore aetatis
versere, tamen cū ad disciplinam pruden-
tia, consilii, humanitatis eruditus, tum etiam,
ab ornamento instruxit religionis & pietatis.
Hoc eam tibi gloriam peperit, ut amplitudinis
tuae memoria non modo ab Anglis celebretur,
sed etiam a transmarinis hominib⁹ sūma chari-
tate usurpetur: quid quod methodi disciplina,
digna res sit, quam homines generis dignitate
praestantes perpetuo cōseculentur & adhibeant?
Nam ut rem propositam animo celare meo &
intelligentia complectamur, ut eandem mem-
oriae sūma facilitate tradamus, ut dicta omnia
& cōmentationes elegantissimi ordinis cōcin-
nate illustremus: id certe quantumcumq; est
(et sine dubio egregiū quiddam & singulare)
tōtū methodo debemus. Quāmaximē ita me-
thodo attribuerim, quā nihil illius laudis af-
figam, non ignorat Dominus Henricus Ho-
wardus pater tuus, qui stirpis suae nobilitate
gloria multiplici doctrina & literarū cumu-
lavit. Quapropter oūm in studiū incitere cog-
nitionis & scientiae, cū disciplinarū studiosis
pro

pro tua incredibile humanitate consulas, cum
deniq; methodi præceptio non sit ab hominum
nobilissimorum institutis aliena, mitto ad te
(Comes præstantissime) meam de unica P.
Rami methoda retinenda admonitionem: qua
est præter rem ipsam nihil complexa est
cujus nomine commendetur, tamen
perfectam esse intelliges ab animo

Honoris tui longe obser-
vantissimo.

10 ANTONIVS SENOVELLANVS
NAVARRENVS MILDAPETTO SVO. S. P. D.



IBELLVM tuum, Mildapette, missum a te mihi, legi diligenter, & seruo diligentissime: Elegantissimum sane omnium, nisi me propter benevolentiam forte fallit, quos in eo genere vnquam viderim. Ita nitent omnes ejus partes, ita splendent, vt dubitem utrum magis res verbis, an verba sententiis exornentur. Neque tamen, hæc cum scribebam eram nescius, cum, quam logicæ Venustatem scientiæ & politissimis Rami scriptis delibaras, eam ad Rami scholam a Sciorum quorundam calumnia vindicandam transferres, fore ut ex eo multi varias ad reprehendendum, velut anfas arriperent. Nam quibusdam, & iis quidem non leviter eruditis, non admodum video placere Ramum. Quidam autem probant illum quidem, sed cum exceptione, si privatim adhibeatur: in publica verò scholarum luce collocari, molestè ferunt. Erunt etiã, & hii neque meo judicio stulti, & suo valde sapientes, qui eloquentiam separent a Philosophia, & neglecto flore orationis, spinas tantum scientiæ conlectentur. Et quidem operæpretium est, quid primi illi Rami vituperatores dicant, attendere. Quæzunt primum, quid esset, cur Veromanduus iste Agricolæ filius cornicum, vt dicitur oculos configeret, Aristotelem corrigeret, & eo rejecto novam nobis & suam quandam scholam explicaret. Quod id ego vicissim inter-

interrogo, Si perperam fecerit, cur non refellantur
 sin recte, cur non admittant? Nam Ramum Ari-
 stotelis correctorem esse dicere, Ramum Agrico-
 le filium appellare, Ramo crimen novitatis in-
 tendere, & sine causa divinum hominem tam in-
 sulso convitio, tam petulanti ironia, tam inery-
 dita contumelia verberare, hominum est, (ut per-
 cussimè loquar) nimis jejuna malevolentia labo-
 rantium. Sed intelligo quid pungat illos. Aristotele
 delicias suas, contemni dolent. Audio. Sed quæ,
 malum, hæc iniuria est, antiquis illis temporibus
 suum honorem concedere, nostris denegare? Quid
 An superfedisse Deum creandis præclaris ingeniis
 arbitrantur? Si nolle dicunt, malevolum Deum
 fingunt. Si posse negant, imbecillum. Quorum
 utrunque a divina natura est alienissimum. At
 posterior dies prioris discipulus. Immo magi-
 ster. Ita semper primis inventis addit aliquid, &
 tanquam affingit dies. At minus fortasse dili-
 gentes sumus. Credo. Gravis enim res est labor,
 quem plerique fugimus. Quam autem ego pel-
 vim Aristotelis, cum huius agricolæ filii triginta
 annorum Vigilis compararem? In quibus ille
 dialecticæ non modo faciem, sed omnia membra
 ita scite formavit, ita articulatim distinxit, ita ve-
 nuste concinnavit, ut mihi quidem vel aemul-
 quod magis credo, vel Ramus summam ma-
 num huic operi, & extrema velut lineamen-
 ta attulisse videatur. Sed ut in vinis, ita & in dis-
 ciplinis vetustiora probant. Quasi verò non ipsa
 vina vetustate coalescant. Itaque vinum proxi-
 mis consulibus conditum nolo: Brutinam verò

aut posthumianam notam multo minus. Sic hercle existimo nec de quovis musto ac lacu feruidam disciplinam esse sumendam: & illam nimis veterem vel potius vietam non plus, quam Brutinam notam persequendam. Iam illos miror, qui Ramum solum privatim adhiberi volunt: vt propæodum iustioribus vtamur illis, qui omnino auocent a Ramo, quàm hiis, velut mystarum facris, ita studiis hisce noctem imperent, in req; eo meliore quo notior est, silentium desiderent. Quod qua ratione faciant, dispicere non possum. Nam cur nō honestum sit, id alium docere, quod mihi fuerit honestissimum discere? aut cur quod sit gloriosum scire, non sit gloriosissimum profiteri? Nisi fortē ut aliam habes domesticam vestem, aliam forensem, ita aliam tenes sententiam domi, aliam foris: aliam in museo, aliam in schola: aliam tecum, aliam cum altero, quod est indicium profectō non solum inconstantia, verumetiam vanitatis. Iam tertijs illis quid faciam? homines sunt lautioris stomachi quàm ceteri. Eloquentiā in Philosopho non ferunt. Quid tum ferent? Necessariam esse negant. Quasi verò non aliqua sit habenda ratio vniuersitatis. Quam cum iidem ipsi in cultu corporis, in hortis, in cibis, in edificijs, in omnibus denique rebus affectent: non intelligo sanē cur sui ipsorum dissimiles, a seque ipsis desciscentes spinositate quædā in oratione & horridiuscula confectentur. Quæ quidem opinio tot greges excitauit Dorbellistarum & Dunficorum agreste quiddam sonantes & rusticarum: messorum similiore, quàm magistrorum: non tam a
rostris

rostris profectos quàm a rastris, ab aratoribus
 potius institutos quàm ab oratoribus. Qui certè
 meo quidem iudicio fecissent aliquanto rectius, si
 minus argutiarum & subtilitatum, plus autem
 adhibuissent nitoris & eloquentiæ. Ut enim O-
 lympionem non probo, nisi ad bonam valetudi-
 nem quandã etiam affuderit suauitatẽ coloris: ita
 & Academicum non fero, nisi sanitati philosophi-
 æ florem quendam orationis, & quasi colorem
 asperferit. At Philosophiam dices, quasi matronã:
 nihil decet iste fucus. Credo. Sed nec istæ sordes
 decent. Et tamen suus est quidam matronis de-
 cor. Aliter enim Romani veteres nunquã legem
 Oppiam antiquassent. Et ut matrona in vitio fir-
 si quotide radatur ad speculum & vnguentis deli-
 buta artificiosè collocatis cinnamorum simbriis
 delectetur: quod tamen etiam virum fecitasse &
 magnum virum Africanum accepimus: ita si Pa-
 troclem imitetur; quem cavilians Aristophanes
 nunquam in vita lauisse dicit, nunquam faciem,
 nunquam manus abluisse, nunquam sordes
 deterfuisse: Quis eum ferret? quis non iuberet au-
 ferri? Quare quemadmodum matronæ, & illa
 in cultu nimis elaborata coccinatas, & ista nimis
 incivilis rusticitas fugienda est, ut liberalem quã-
 dam elegantiam adhibeat: ita Philosopho, cum ille
 in aucupanda paritate verborum, & in quadrandis
 periodis forensis & nimis accuratus nitor, tũ illu-
 vies ista, & quasi situs vitandus est, ut semper inge-
 nuitatem quandam orationis, & quasi munditiẽ
 persequatur. Afferis, inquires, molestiam nobis. Im-
 mo tu aufers gloriam. Quid enim potest esse, vel
 re ipsa

re ipsa pulchrius, vel fructu latius, vel beneficio
 gratius, quàm quod ipse rectè, quod accuratè, quod
 utiliter senseris, id alteri non aridè, non jejune,
 non exiliter, sed ornate, sed splendide, sed copiose
 explicare? Difficultatem excusas: etiàmne in
 rebus optimis delicias quæris? isto modo virtutem
 ipsam rejicere possumus. quid enim illa difficilius?
 ita locos omnes, in quibus excellentia est, maximis
 difficultatibus obstruxit, ac circumsepsit Deus.
 Negas ista studia conjungi posse. Stulte, qui alios
 spectes ex te. Balbutivit credo, Plato: nunquam
 videlicet gustarat præclarâ istam eloquentiam:
 verba homo sapiens negligebat: erat elinguis
 Stagiritis ille: neque sermo ille Ciceronis
 verus est, quum eum flumē aureum appelleret.
 O rudem Xenophontem: cujus ore musas ipsas
 loquutas ferunt. Decepit nos Theophrastus.
 Non erat tantum in homine, quantum in nomine
 dignitatis. O infantem Carneadem, de quo illud
 elogium est, nullam eum rem confirmandam
 suscepisse, quam non probaverit: nullam oppungendam,
 quam non everterit. Possem multa isto modo:
 sed mihi non tam copia, quàm modus in probando quærendus est.
 Quæ tandiu non disputo, quin si alterutrum eligendum
 sit, multo malim indisertam sapientiam, quàm
 insipientem eloquentiam: sed id volui ostendere,
 hos esse perridiculos, qui cum ubertatem & copiam
 possint, jejunitatem potius & famem consecretur.

15
FRANCISCI

MILDAPETTI NA-

VARRENI DE VNICA

METHODO RE-

TINENDA.

CAP. I.



Ngenii tui commentationes (Digbeie) quę typis non ita pridem divulgatae in hominum manus pervenerunt, faciunt vt non modò de Cantabrigiensi Academia sperem optimè, sed etiam Anglię gratuler vniversę. Habuit Anglia plurimos semper excellenti ingenio, eosq; sic e Philosophorū Schola perpolitos, vt maximarum artium penè infinitam vim animo & cognitione comprehenderent. At verò qui cogitationes suas ad illustrandam philosophiæ disciplinam referrent, etsi eorum plerique ad ornamenta multiplicium doctrinarum gloriam adjecerunt ornatissimę dictionis, tamen vel omnino nulli, vel certè paucissimi extiterunt. Etenim illos nescio quæ religio tenuit,

nuit, quo minus quod prudenter sentiebant, id politè expressum & eleganter, literarum monumentis cōmendarent. Verebantur fortasse ne si texendis voluminibus operam transmitterent, id ad ostentationem ingenii arroganter, non ad aliorum vtilitatem sapienter facere putarentur. Ac proinde eorum industria, cū ad summam laudem in vulgus emanare potuisset, sese ab hominum oculis continuit intus & delituit: tanquam hercle ipsos umbræ quàm soli, & scholæ quàm foro aptiores natura genuisset. Theologia verò debet illa quidem Anglis hominibus non parum, quod eandem & perennibus concionibus ad amplificandam Christi gloriam diligentissimè excoluerint, & partim labe aspersam mirificæ vanitatis, partim acucullatis homunculis nefariè proculcatam ad pristinum nitorem & maiestatem elegantissimis scriptis vindicarint. In quo certè est cum theologia actum præclarissimè, cum cæteris artibus incommodius: quòd cū Anglorum ingenia limarint vehementer & expoliverint, ipsæ tamen ab Anglis nullam ferè lucem, nullum or-

natum

natum acceperint. Quapropter (Digbeie)
dum te intueor, dum tuam excellentem
diligentiam attendo, dum eandem cum
aliorum in isto genere tarditate comparo,
gratulor mehercule literarum disciplinis,
& gratulor vicissim Angliæ tuæ. Nā si laus
illa exornāda Latinis literis Philosophiæ
nata e vestrorum hominum Vigilijs flo-
ruit aliquando: tu profectò, cum defloru-
erit jam & consenuerit, eidem succurrere
& velut ab interitu nescio qua divinita-
te ingenii tueri aggredieris: Sin verò An-
glorum lucubrationes nihil antehac ad
Philosophiam splendoris, nihil ornamen-
ti attulerunt, sed ea ferè sola uti consue-
verunt, quam a Gallis, Germanis, Italis ac-
ceperunt, quemnam te esse dicam Dig-
beie, qui gloriam istam poliendę in arti-
bus disciplinæ Cantabrigiam transferre,
& languescenti jam Galliæ eripere cona-
ris? Ne tu præclarum aliquod & divinum
meditaris. Si enim cui exulta mens est ab
ornamentis sapientię, & a subsidijs in-
structa omnium doctrinarum, ei nihil de-
esse posset aut ad vtilitatem insigne, aut
illustre ad dignitatem: quis ita affecti in-

genij est? ita alienus ab humanitate & literis? ita publicæ utilitati inimicus? qui non illi, a cujus ingenio expolitionem & velut palæstram quandam literę asciverūt, plurimum esse tribuendum arbitretur. Verumenimvero ut iis merces proposita est amplissimę glorię, qui concinnè id ipsum & perscien-ter præstant: sic qui ad tractandas disciplinas non florem ingenii, nō lucem exquisitissimę veritatis, non accuratissimi pondus iudicii, non deniq; ordinis elegantiam afferunt, ii collectis testibus inscitie suę labem contrahunt non mediocris ignominia. Quid enim? qui architectum cōstringendum putamus, si nihil venustatis & artificii in fabricatū transfuderit, sed eandem vasta planē agrestiq; partium compositione dedolarit: an operarium in percolendis disciplinis bajulumque feremus? Si pictori crimen delirii intendimus, a quo non est illa, quam par erat, floridiusculis coloribus ad dignitatem expressa effigies, sed in eandem summa deformitas implicata penecillo & impressa: an possumus eum sapientem usurpare, qui ad artem pulcherrimę rei potius sordes

fordes conquiſſerit, quàm ornatum ſapi-
 entia accerſiverit? Equidem qui devul-
 gatis libellis vanitatem jejuni ſophiſma-
 tis quaſi in oculis deſigit univerſi orbis,
 eum ego ſtatuo non modò ipſum ſibi ar-
 rogantia ac ſtultitia notam inurere, ſed
 etiam injuriam litteratae juventuti graviſ-
 ſimam inferre. Studet enim eandem ab
 uſu excellentiſſimae præceptionis ad nu-
 gatoria argutiola theoria, a copia &
 ubertate Academiae ad aridam in Lycæo &
 exilè acroaſin, a Platone deniq; ad Dor-
 bellam avocare. Quid? an iſta in te conve-
 nire dicam Everarde? non audeo hercle
 de tam ſuavi homine. At ſi iſta magiſtris
 illis attribuerim, a quibus es ad logicae
 prudentiae diſciplinam inſtitutus, non
 verebor ne convitium potius in illorum
 nomen petulanter effudiſſe, quàm verum
 crimen meritò contuliſſe videar. Peregri-
 nanti mihi anno ſuperiore in Pariſienſi
 Academia incidit in manus jam tum emiſ-
 ſa in lucem Analytica theoria. Quis tan-
 dem? ſpecie illuſtris illa quidem & mag-
 nifica. Nō enim plebeium aliquid & vul-
 gare jactat, ſed diadema pollicetur & mo-

narchiam. Quem non splendor tam divi-
 nę inscriptionis commoveret? quem non
 ad perfequendam Analyticę theorię sa-
 pientiam alliceret? Nę ego, dum illam in-
 tuebar, divinitatem Platonis, acumen A-
 ristotelis, subtilitatem Zenonis cõtemne-
 bam. At verò si quis ab illa tam excellenti
 inscriptionis specie cogitationem parum-
 per avertat, & cùm res ipsas ad tractādum
 propositas, tùm etiam tractationis elegan-
 tiam attendat: quid, an exclamabit vt ille?
 οὐκ οὐκ, ὦ πᾶσι θεοῖς. ut ille? ὦ κοῦρον, ὦ γῆ. ut
 ille? ὦ χρόνος, ὦ ἥθη. exclamabit sine
 dubio, & in theorico illo artifice postquā
 est audaciam aliquandiu de miratus, cæci-
 tatem iudicii vehementer deplorabit.
 Nam mehercule illud orationis genus cõ-
 sectatur, ut non e rhetorum officina pro-
 diisse, sed e schola Aquinatis emerfisse, &
 quę barbaries explosa jamdiu ac profli-
 gata evanuit, de eadem revocanda cogi-
 tasse videatur. Eas verò rerum subtilitates
 complexus est, earum ut multas propter
 reconditam scientiam potius admirari
 possimus, quàm quales sint intelligendo
 consequi. Profectò dum hujus analyticę
 monar-

monarchiæ opificium contexebat, cepit
eum theoria mirifica illa quidem & planè
singularis. Quæ enim non conquiritæ ar-
gutiarum deliciæ? quæ non somniata con-
cinnitas? depictæ ad oculum demonstra-
tionum imagines: expressæ lineamentis
ad illustrandam apprehensionem figuræ:
adornatæ etiam Pyramides & horizon-
tes. Quid commemorem illas insignes
theses? de extrinseca perfectione princi-
pii: de intellectu ad simplicitatem con-
tendente: de statu interni luminis: de cō-
munionem animæ cum objecto metaphy-
sico. Quid loquar de supremæ distinctio-
nis primo effluxu? quid de mundo supra-
supremo? Mitto portas, per quas ascendi-
mus ad intelligentiam. Dæmonas illos
Serapim, Samael, & Mahazael libenter
prætereo. At verò bene sit philosophorum
filio: cui, si istas elegantias procuderit; me-
liorē mentē opto: si nunq̃ attigerit, de fæ-
licitate gratulor. Taceo de discursu nec e-
mittente nec retinente, sed deferente sci-
entiæ: de productione mundi sensibilis, &
complexa notione demonstrativi princi-
pii nihil dissero. Nōne ista egregia? nōn-

ne mirabilia? nōne divina sunt? Complavit certē filius iste philosophorum omnem a primis postremisque philosophis sapientiam: & quicquid ubique erat mysterii, id in analyticam theoriā solertissimē illigavit. Probavit sine dubio industriā suā hominibus a disciplina Scoti & Toleti nō leviter eruditis: & vehementiūs equidem probavisset, si non modò sophismatum accervos corrogare, sed Ramum refellere voluisset. Debes (Everarde) plurimum Sorbonistis, qui theoriæ tuæ nonnullorū contumeliis afflictæ vehementer & percussæ frequenter subvenerunt, eamque a gravissimis hominibus acerrimē reprehensam summa laude exceperunt. Quid verò de tuæ mysteriis theoriæ non ita pridem Basileæ inaudierim, si id palam referrem, remitteres credo aliquid de illa magnifica opinione quam tibi analytica monarchia attulit, nisi tuum ingenium doctissimorū præclarissimis judiciis anteferres. Sed ecce quod aliis magnopere displicebat, id tibi video vehementer placuisse. Ac proinde tanquam analysis illa ad scientiarum monarchiam Digbeiana fuisset apud omnes
Acade-

Academias propter excellentem utilitatem corollas & lauream consecuta, secundo jam edito libello quasi in scenam denuò prodisti. Miri profectò cerebri es Digbeie. Nā perinde ac si a Parnasso nuper descendisses, essesque cum ipsis Musis sæpiusculè collocutus, ita facile & expedite volumen conficis. Cum paucis abhinc diebus Basileā in Angliam trajecissem, & ad procuranda quibus distinebar negotia in urbe Londinensi consedissem, proripuit sese e typographi officina dialogus tuus, contra unicam P. Rami methodum valde subtiliter concinnatus. Meminitum illius tuæ tam delicatæ theoriæ: cujus recordatione cum ipse me suaviter aliquandiu oblectavissem, facile adducebar ut quibus ornamentis Monarchiam tuam distinxisses, eadem te putarem transtulisse in dialogum. Nec me sanè multum fefellit opinio. Nā Digbeiu ita mihi scitè in eo ac luculèter expressisse videris, nullā ut analyticā theoriā ad effigiē Digbeiani ingenii referendam desiderē. Siquidē cum nō desit ad apparatū dialogi aut theoricæ eloquētia, aut theoricæ subtilitas, aut

theorica optimarum rerum sapientia, quis est cui novas theorias Digbeianæ Vigilæ non videbuntur excudisse? Ferri tamen eclogiaræ istę theoriarū potuissent præsertim cum sint non ita multarū pagellarum terminis circumscriptę, nisi audacter nimis irruere in unicam methodum voluissent P. Rami. Nescis Everarde, nescis quàm difficile & arduum negotium susceperis. Tunc macilentus rhetorculus cum oratore disertissimo, clamosus Dorbellista cum excellentissimo logicæ disciplinæ magistro, homo in schola & umbra delitescens cum philosopho in clarissima luce diu multumq; versato, Everardus Digbeius cum P. Ramo congregi ausus es? Tunc cum lacessendum censes, cuius immortalitate dignum ingenium, cuius incredibilem virtutem, cuius divinam in restaurandis ornandisq; disciplinis industriam omnis posteritas & gratissima memoria usurpabit, & illustri prædicatione celebrabit? Tunc cum eo ad pugnam descendes, quem non Adriani Turnebi limata subtilitas, non Joachimi Perionii in dicendo facultas, non æstus Jacobi Carpentarii, non acumen Gal-

Gallandii, non metaphysica Schecii sapientia frangere potuit & obruere? Sed quid penè est quod nō audeat is, qui ad sophismata Tartareti, ad commenta Javelli, ad nugas Cliectovii velut ad scopulos aliquos ingenium suum passus est adhærescere? Quid si te istis insistentē vestigiis, & somniantem theorias diutius feramus, procudetur fortasse propediem tertia theoria. Quapropter quia & P. Ramo plurimum debeo, & methodi disceptatio nescio quid secum præclari affert, te de unica methodo retinēda analyfi subducta dialogi tui paucis admonere visum est: non quòd admonitionem adolescentis apud hominem (ut audio) maturæ ætatis, aut Navarreni apud Anglum ponderis aliquid habituram esse existimem, sed quòd præcipiti in divulgandis sophismatis temeritati ne silentio quidem suffragandum esse putem.

CAP. II.

DI A L O G V S tuus duabus fere rebus vertitur: quarum altera methodi præceptionem cōplectitur, altera

verò praxin. In persequenda methodi disciplina id agis, ut eandem bipartitam esse demonstres, & P. Rami pervellas unicam. Multa passim tua in disceptatione occurrunt, quæ propter ridiculam subtilitatem non ponderanda accurate, sed aut planè omittenda aut levissimè decurrenda sunt. Age igitur, demonstratio bipartitæ methodi ad unicam refellendam quàm est a te enucleatè & eleganter informata? Equidem multa dialogi tui minutula capita, in quibus nugatoria futilium questionum exornatio instituitur, methodorum quandam varietatem quasi parturiunt: reliqua, etsi erant fortasse Mulsæ invocata, nondum tamen duplicem methodum videntur peperisse. Non potuit sine dubio methodorū aut numerus expediri, aut illustrari natura, nisi rerum variarū prolusio accessisset. Quæ igitur illa sunt & quàm egregia, quibus proluditur? Agitur de iis, quæ unicuique antè sunt cognoscenda, quàm ad naturam methodi percipiendam accedit. Qualia tandem & quot? tria hercle pereximia.

Qui ad methodum (inquis) discendam accedit, is debet prænoscere, primò esse rationē, quæ est Dignitas. Secundò esse rationem a principio ad finem artificiosè procedentem, quæ est propria methodi passio. Tertiò rationem artificiosè procedentem, esse methodum: quod est subiectum.

QVAM tu nobis rerum ante methodum cognoscendarum partitionem effingis Everarde? Ratio artificiosè procedens est tibi propria methodi affectio: atq; eadem ratio artificio quodā procedens, est & ipsa methodus & subiectum methodi. An tu in Cantabrigiensi celeberrima Academia educatus es, ubi cum in provectionibus Academicis pleræq; disciplinæ sunt maturitatem consecutæ, tum florem esse prædicant literatissimæ juventutis, & tamen audes tam singulare partitionis delirium invulgus obtrudere? Suscipe quæso vel ad punctū temporis cogitationē hominis liberi & acuti. potestne facultas ridēdi esse & propria hominis affectio, & tamen eadem facultas esse homo & subiectū hominis? opinor refragabere. potestne igitur ratio illa, quæ arte quadam progreditur,
inte-

integram methodi essentiam complecti, & tamen sic in methodum cadere, illius ut sit non solum propria affectio, sed etiam subiectum? Aliud est res ipsa suis e causis constituta; aliud adjuncta rei affectio: aliud subiectum. Horum natura ita dispar est & sejuncta, ut confusa invicem & temperata esse nequeant. Amandanda itaque partitio ista, aut saltem politius eliminanda: immo verò & intelligentia animi tui disertius explicanda. Nam ubi & quæ est illa dignitas quam requiris? qualem deinde artificiosam progressionē intelligis? Scio axioma clarissimæ veritatis a quibusdam nomine dignitatis appellari. Utrum *omnino* inventionis, enuntiati, syllogismi præcepta dignitatis appellatione comprehendis? Cui hercle inventionis universa ratio animo decursa usuque pertrectata est, qui non est in enuntiati disciplina peregrinus, qui denique instructus est ab artificiis syllogismi, nō video quid in eo aliud ad cognoscendam methodi naturam desideres. Satis is mihi amplo apparatu ad methodū perdiscendam accedit. Sin verò non ea quæ exposui, sed quiddam aliud dignitatis nomine

nomine interpretaris, nã tu ædilitatem aliquam meditaris, qui non vernaculis rebus & domesticis contentus es, sed longè arcessitis & aliunde comportatis uti vis. Ad laudem profectò tuam parum interest, quid dignitatis voce complectare. Nã si Dignitas ista artem inventionis & iudicii notet, quid dici potuit inconcinnius? si alia quædam designet, nimis remota & aliena consectaris. Utcunq; sit, nimio acumine & brevitate obscuritatis elenchum peperisti. Porro de illa artificiosa progressionem quid dicemus? si methodus sit, ut tu affirmas, cur quæ eadem omnino sunt, eorum naturam tam confidenter distrahis? vis artificiosa progressionem essentiam methodi contineri: & tamen vis artificiosæ progressionis cognitionem aliunde ad methodum intelligendam afferri. Si etiam ratio ex arte procedendi fuerit methodi affectio vel subiectum, etsi sit illa quidem ad methodi intelligentiam multum allatura, eam tamen extrinsecus repetere necesse non est, cùm possit methodi præceptione subtiliter comprehendere.

CAP. III.

VIDES jam Digbeie in rerum earum partitione, quæ tibi ad methodi vim consequendam videntur aptissimæ, quantum opere erret illa ingenii tui & peregrinetur theoria. Quid? an lautius aliquid deinceps & exquisitius affertur? Disseris nihil absq; methodo sciri posse. at quid ita tandem? Rerum certè cognitio vel dispositione enuntiati statim elucet, vel e syllogismi dianoiæ efflorescit. At verò collocatione methodica non rerum notitia exquiratur, sed ordinis illius, quo res notæ jam ac judicatæ constringuntur, illustratur elegantia. Definitio rei naturam e causis & cæteris aliquando argumentis tam dilucidè interpretatur, ut etiamsi res definita nullo ordine digeratur, tamen clarissimæ existat scientiæ & judicii. Si Epicurum sciscitantē quid esset voluptas, aut Stoicum de natura virtutis percontantem juberis rerum ordine disponendarum methodū ad notionem voluptatis & virtutis enodatiùs explicandam adhibere, certè ille te

ex hortulis suis abigēdum, hic e stoa præcipitandum esse clamaret. Sed est fortasse, quo paradoxon istud tueri queas. Quin igitur nos imperitos edoces? postquam quid sit scire exposueris, quod hercle est abs te sine methodi subsidio explicatum, continuo propositam thesin eleganti syllogismo disceptas:

In quibus (inquis) est dispositio prioris ad posterius, in iis erit ordinis observatio.

At in omni inquisitione proceditur a priori ad posterius.

Ego secundum materiam subjectam dispositionem impossibile est, quicquam scire sine methodo.

UB I Everarde acumen tuum? ubi mentis analytica theoria? Consule de syllogismo isto vel e Cantabrigiensi Academia in dialecticis tyrunculum aliquem, vel ex agro Melibæum, vel e campo & acie militem: horum sanè nemo est, qui a te non maiorem in disserēdo requireret sapientiam. Certè Academicus ille, qui nudiusquartus ad excipienda theoremata accessit

accessit logicæ disciplinæ, Digbeium quasi dormitantem vellicabit, admonebitque aut antecedentem syllogismi istuc inani consilio aliunde obrepssisse, aut si id secus fuerit, complexionem ex antecedente instar portentii emerfisse. Aliud enim est in propositione & assumptione propositum: in complexione verò inculcatum aliud. Sic cum monarchiam polliceris, præstas anarchiam. Sed remittimus tibi ista leuiuscula, homini præsertim nihil nisi altum & magnificum cogitanti, adeo ut gloriæ tuæ melius fortasse consultum putes, si ista potius contemnere quàm scire videre. Verùm quomodo tandem institutam quæstionem conficis? Video conclusam enthymemate: cuius propositio artificio Digbei veluti ablegata si revocetur, continuo Digbeiani iudicii accuratio elucebit: est verò ejusmodi:

Methodus est causa.

Nihil sciri potest sine causa.

Nihil itaque sciri potest sine methodo.

Qualis est illa syllogismi tui propositio?

tio? quàm scia & delicata? vin' tu methodum ita natura comparatam esse, rerum ut omnium causa sit? Næ illam methodum beatam videri necesse est, quæ per res universas fusa latissimè sese ad constituendam singularum naturam dispertiverit. Quòd si rei cujuslibet causas methodo contineri non placet, nihil argumento isto ad disceptandam quæstionem assequeris. Sin verò id ipsum contendis, vide ne cujus beneficio hanc lucem aspexisti, illa hominem dicatur ex methodis contextum peperisse. Sed ecce: video quid egeris. Animadvertisti scilicet persimili vel eodem potius syllogismi judicio concludi posse, omnem ex Everardi cognitione scientiam manare:

Everardus est causa.

Nihil sciri potest sine causa.

Nihil itaq; sciri potest sine Everardo.

AGNOSCO hercle philosophorum filium. Is sine dubio est, in quo ut omnis ab eo scientia tanquam a fonte derivetur, Idcirco a natura innexæ rerum singula-

C.

rum

rum causæ & implicatæ sunt. Quanquam illud per mihi mirum videtur, quod cum tanta causarum & tam ampla supellectile instructus sit, non tamen intelligendi vim satis subtili definitione comprehenderit.

Intelligere (inquit) est rationem primam a secunda, secundam a tertia, tertiam a quartam simplici apprehensione discernere: incomplexa ad conclusionem necessariam connectere.

EXPECTABAM hercle dum diceres intelligendi facultate etiam centesimam rationem a quingentesima, quingentesimam a millesima, millesimam a causarum myriade discerni. Non est (Everarde) non est humanæ intelligentiæ facultas ita angustis definita regionibus, ut ad distinctionē rationis a ratione & ad syllogismi tribunall alligata non possit latius excurrere. Commentum hercle Themistii est, arreptum e cogitationis delirio, non e differendi usu prudenter observatum.

CAP. III.

GLORIARE jam si placet & quaquaversus prædicato, nihil esse quod intelligi sine methodo percipi que possit. Quinetiam methodi cognoscendæ difficultatem quantum potes exorna, at non pigmentis, non inani splendore, non fucatis coloribus. Methodum (inquis) scire res est difficilima. Immò vero si quis præceptionum illarum subtilitatem animo complexus fuerit quæ viam quandam describunt inveniendi argumenti, si quis enuntiati vim omnem rationemque percalluerit, si quis syllogismi excellentissimas leges cognorit & pergustarit, ei videbitur methodi intelligentia illustris adeò facilisque, ut nihil in ea reconditum & abstrusum esse dixerit. Tu verò quibus tandem istam difficultatis thesin argumentis demonstras?

Quæ ratio (inquis) omnia ad scientiam redigit & in singulos gradus a principio ad finem animadvertit, ea discendi est difficilima.

At methodus omnia ad scientiam redigit & in singulos &c.

Methodus igitur discendi est difficillima.

SATIS profectò acutè, sed non ita magno judicio ista differuntur. Quid enim causæ est, cur tibi de propositione assentiremur? Nam in quarum rerû praxin molestiarum asperitas variæque difficultates effusæ redundarunt, earum non ita semper retrusa cognitio & impedita fuit. Galliæ peragratio quantæ contentionis est? quanti sudoris & molestiæ? & quid tamen facilius quàm universæ Galliæ peragrandæ viam nosse? si modò oculis obversetur totius regionis luculenta idea, si delineata in tabulis ratio itineris, si descripti Mœandri, si notata diverticula. Sic methodum a scholâ & umbratili theoria ad commentationum quasi palæstram & curricula deducere, eamq; vel ad leviora ac solutiora inventa dimittere, vel ad lucem artibus splendidissimi ordinis dignitate afferendâ trāsferre, profectò hoc opus, hic labor est: hîc (Digbeie) Socraticos amores perlibenter agnosco. Veruntamen ut illam divinam

vinam vim methodi exploratam animo
& scientia comprehensam habeas, inest in
eo non illa difficultatis incredibilis mag-
nitude, sed facilitas certè haud mediocris.

CAP. V.

AT quousq; tandem ista futilium quæ-
stionum altercatio producet? quan-
do susceptam pro duplici methodo con-
troversiam insequere? Ecce nugis adhuc
ad methodi ornatum aggregandis sum-
mo studio insistis. Philosopharis more tuo
de methodi oppositis terminis: de discen-
te & docente rhetoricaris pueriliter: de
duplice disciplina plumbeam acroasin, de
artis & nature ad methodum affectione
flaccescentem subtilitatem, de principatu
& magisterio dialecticę miscellam theori-
am protulisti. At quamdiu ista sese sophis-
matis accumulandis jactabit insolentia?
quamdiu nos hujuscemodi eludent theo-
riæ? Nihil te Everarde logicarum legum
majestas? nihil gloria existimationis tuæ?
nihil gravissimorum hominum judicium?
nihil hæc ipsa, qua de agimus, disciplinarū

magistra methodus? nihil te Cantabrigi-
ensium tuorum ora vultusque movent?
Redi aliquando ad te: confice de metho-
dorum numero propositam thesin: huc
fontes ingenii tui aperiantur & deriven-
tur: huc omnem iudicii gravitatē, omnem
vim lumenq; affer syllogistica sapientia:
huc suadae medulla nervique omnes elo-
quentiae tuae deducantur & expromantur.
Sed cur te tam sollicitē admonco? Ecce ad-
est illa Methodi disceptatio quam requi-
rimus. Nam methodi dialecticae duas par-
tes, tria instrumenta, quatuor causas qua-
tuor breviusculis, sed valde delicatis capi-
tulis complexus es. Quanquam hercle vel
ego inani opinione ducor dum capitum
istorum ambitu tractationem methodi
conclusam esse auguror, vel si rectē divi-
narim, tua certē insipida in istis capitibus
est & putidiuscula theoria. Quid enim?
an tu rerum disponendarū methodo vim
inventionis & facultatem iudicii velut
membra affingis? an tu definitionem, divi-
sionem, syllogismum ad imprimenda re-
bus clarissimi ordinis vestigia methodi in-
strumenta esse ponis? an tu methodi mate-
riam

riam vocibus secundæ intentionis, finem habitu scientiæ profecto cōtineri arbitraris? Non est ita Everarde. Etenim qui methodi naturam inventione & iudicio partitur, educit ille quidem methodum e septis iis, quæ ipsa sibi præstituit, cū illa alieni juris princeps esse nolit, sed conservatrix sui. Ac perinde facit ac si grammaticista aliquis illam in grammaticis de convenientia generis & numeri præceptiunculam in Etymologiā & Syntaxin partiretur. Uterq; hercle quod totius artis naturam plenè cumulateq; complectitur, id unice in arte particulę inelegāter ascribit. Quid definitio, divisio, syllogismus? eę perfectò res sunt, non quibus uti methodus ad res perturbatas suis locis distinguēdas consuevit, sed in quibus ad ordinis cōcinnitatem revocandis methodus elucet ipsa. Priora duo ad inventionis acumen & ad naturam rerum illustrius exponendam valent: illud verò posterius ad iudicandam subtilitatem consequentiæ. Quid dicam de vocibus secundæ intentionis? prædibilia opinor & prædicamenta intelligis. At illa tibi, si loqui possent, perfectò litem

intenderent, quod tanquam ex camento
& lapidibus domum, sic ex ipsis methodi
fabricam coagmentari velis. Quod si ipsa
in enuntiatum aut syllogismum illigata
vis etiam ordine quodam collocari, non
valde repugnabunt. Illud verò quale est,
quod habitum scientiæ perfectum, me-
thodi finem esse affirmes? Methodus mu-
neri suo cumulatissimè satisfecit, si res cō-
fusas in unum & nulla certa lege constri-
ctas singulas singulis locis pro claritate
notitiæ disposuerit: adeò ut ordinis præ-
stantissimi spectet solummodo & intuea-
tur dignitatem. Quanquam non inficior
si illa perinsignis variarum rerum collo-
catio accesserit, summam intelligendi fa-
cilitatem existere. Verùm erravi ego for-
tasse, nec ista abs te ad methodi dispositi-
onem referuntur, sed de arte dialecticæ
generatim differuntur. Id si ita est; pul-
chrum nobis testimonium dedisti iudicii
tui. Video nimirum te in id unū vehemē-
ter incubuisse, non tam ut propria & ger-
mana sapienter attulisse, quàm ut longè
disiuncta conquisisse & aliena ad præsen-
tem causam detorsisse videre. Cum tibi
duplicis

duplicis methodi adversus P. Rami uni-
 cam confirmatio adornanda sit & argu-
 mentorum præfidiis munienda : quorsum
 dialecticæ subjectum attingis? quorsum e-
 leganti partium distinctione eandem il-
 lustras? quorsum definiendi concisam ra-
 tionem, distribuendi artificium, syllogis-
 mi dianoiā istuc advocas? quorsum lo-
 gicæ doctrinæ causas omnes attexis? Ec-
 quid non animos nostros demonstratio-
 ne bipartitæ methodi satis obtundere po-
 tuisti, nisi istuc rerum alienarum redun-
 dantia ad eosdem enecandos accessisset?
 Ecquid tua non modò fastidiis adhæres-
 cere, sed etiam ad vim incitandam valere
 vis justissimæ iracundiæ? Sed sustineo ipse
 me. Video enim te non sine causâ causas
 dialecticæ induxisse. Vis enim illarum vi-
 ribus methodi varietatem constitui & la-
 befactari unitatem.

CAP. VI.

BENE est. Deventum est tandem aliquā-
 do ad tractationem institutæ contro-
 versię. Quid igitur ad methodorum mul-

titudinem vindicandam affers ? quid ad unitatem methodi dissipandam ? equidem mirifico quodam syllogismo confecta penè res est & profligata.

Uniuscujusque causa (inquis) non est unica ratio.

Unaquaq; causa est methodus. Liceat enim mihi assumere, quod tu ipse ad claritatem judicii supplere debuisti,

Methodus itaque non est unica,

Quid tibi homini tam analyticè ^{disputem} dicam ? Credo hercle te a M. Ciceronis Antonio in secundo oratorio admonitum ad hunc texendum syllogismū accessisse. Vult ille sese efferat in adolescente facunditas: ut esse possit in eo unde aliquid amputet. An tu rhetor Antonianus factus es ? equidem profudit sese & ejecit facunditas ingenii tui. Quid enim ? Binarium methodorum numerū efferre decreveras : at pro tua facunditate quaternariū extulisti. Vis tu unamquamq; causam esse methodum : & vis opinor quadripartitum genus causarum existere : unde necesse est quatuor

tuor genera consequi methodorum . At-
 qui verò quæ se nimium profuderunt re-
 vocanda censet Antonius, & velut inutilia
 farmenta amputanda. Et certè quæ in tui
 ingenii ubertate inest luxuries, ea quanto
 adolescentem Antonii ætate antecedis ,
 tanto magis depascenda est. Sed quid est
 quòd unamquamq; causam esse methodū
 existimes ? nulla in efficiente & materia,
 nulla in forma & fine admonitio est, quid
 primo loco disponendum, quid conjicien-
 dum in medium, quid ad postremum re-
 servandum sit. Sunt inquam istæ causæ
 ejusmodi nullam ut methodicæ colloca-
 tionis formulam interpretentur, sed quæ
 ipsæ sint suis quæq; sedibus ad methodi le-
 gem distinguendæ. Nec si causarum aliæ
 summæ sint, aliæ mediæ, aliæ infimæ, idcir-
 cò e varietate causarum methodorum va-
 rietas enascetur. Quid? generum annon est
 valde dispar ratio ? aliud generalissimum,
 interjectum aliud, aliud infimum existit.
 Adjuncta etiam annon dissimilem natu-
 ræ affectionem obtinent ? quædam e-
 minent & patent latissimè, quædam ve-
 lut depressa sunt & dejecta inferius.

Nec

Nec tamen cuiquam aliquando venit in mentem pro generum & adjunctorum differentia methodos differentes comminisci. Ac proinde non causarum discrepantia methodum discrepantem parit (unius enim & ejusdem methodi præcepto res gradu & ambitu dissimiles possunt pereleganti ordine collocari) sed multiplex formula easdem res ad quandam ordinis dignitatem redigendi, facit ut methodus in dissidente & multiplici genere versetur. Quod si eadem causæ, eadem genera & adjuncta vario methodicæ dispositionis modo digeri potuissent, sic ut ordinis instituti splendore intelligentiæ nihilominus & memoriæ consuleretur, profectò hisce collocationum generibus non minus quam unicæ Rami methodo tribuendum putarem. Quare utcunque conatum ingenii tui amplectar, non possum quin iudicium tuum vehementer desiderem. Vides aliis tibi argumentis ad unitatem methodi convellendam opus esse. Ac profectò nisi divinitatem quandam inaudite theoriæ attuleris, nisi cohortem Thomistarum, Javellorum, Dorbellarum, Tartareto-

taretorum excitaveris, nisi denique integram monarchiam in campum & aciem eduxeris, nunquam unica P. Rami methodus vel oppugnata cedit, vel expugnata corruet. Sed ecce gravem huic, quam tantopere amplectimur, unitati plagam consequentibus telis infixisse videri vis. Sic enim cum P. Ramo congredieris, Aeternus nempe cum Pacidiano.

Qui unicam (inquis) methodum statuit, est author confusionis.

Ramus unicam methodum statuit.

Ramus itaq; est author confusionis.

VIN dicam quod sentio? Id statuo te aut nescire quid confusum & perturbatum dici debeat; quid contrà eleganter distinctū & loco positum, aut si discrimen illud non vulgariter calles; P. Rami dialecticas reliquasq; commentationes nunquam attingisse, nedum legendo percurrisse. P. Rami tanta prudentia fuit in constituendis quodam ordine temperandisque disciplinis, ut hodie vigeat non modò Lutetia, sed tota ferè literaria respublica Rami institutis

tis servandis & quasi vestigiis persequeris.
 dis. Quis poëta in numerosa verborum
 conclusione quàm Ramus in artificiosa
 integræ disciplinæ collocatione illustri-
 or? Immo P. Rami unaquæq; commenta-
 tio est tanquam disertissimi rhetoris ora-
 tio, in qua nihil inest verborum concur-
 su asperum, nihil hiulcum, nihil diductū
 vastius, sed omnia delicatissimis astricta
 numeris excellentem quandam & propè
 divinam suavitatem efficiunt. Quidvis
 itaque arripiendum potius fuit ad contu-
 meliam, quàm obijcienda confusio. Sed
 instas scilicet & premis acerrimè, ut nem-
 pe non maledictum sed criminis verita-
 tem attulisse ad Ramum convincendum
 videare. Nota igitur elenchum confusio-
 nis: illustra etiam argumento:

*Quæ methodus (inquis) ab universalibus
 progreditur, ea confusionem magnam parit.
 Unica illa Rami methodus ab universalibus
 progreditur.*

*Unica igitur Rami methodus magnam con-
 fusionem parit.*

Propositio hujus syllogismi quàm est a te egregiè exornata? quàm verè & acutè demonstrata? equidem in arcem totius quæstionis invasisti, quàm si analyticis insidiis & theorico strategemate captam expugnaveris, Everardo non modò laurea & triumphus, sed etiam inaurata statua decernetur: fortasse etiam de monarchia cogitabitur. Excita itaque divinitatem ingenii tui, & quicquid habes argutiarum ac subtilitatis, id omne ad gloriam tuam exprome. Doce quanta e methodo ab universalibus progrediente confusio oriatur.

Universalis (inquis) sunt obscurissima, plena confusiois & tenebrarum.

Methodus itaq; ab universalibus progrediens author erit summa confusiois, obscuritatis, tenebrarum.

Quid splendore hujus tuæ theoriæ potest admirabilius fingi? quid cogitari magnificentius? Sed nō est Everarde integrū P. Ramo inventis jã uti tuis. Erravit enim: non gustavit istam tuam theoriam: sæpe in regia cathedra homo stultus methodum ab universalibus ductam singulari-

laribus verbis predicavit. Talæ, pudet me
tui: quid est quod Ramæ methodi digni-
tatem tentatam ab aliis & sophismate op-
pugnatam tantopere vindicare studueris.
S Anthoni Foqueline, Arnalde Ofsate, P.
Bergeroni, I. Poitevine, quæ vestras æta-
tes iniquitas fortunæ excepit? quæ vestra
ingenia anilis cogitatio irretivit? utinam
hunc audissetis tam excellentem hominē,
tam eruditum magistrum, tam scientem
opificem logicę disciplinæ, priusquam tā-
tus error de unica methodo animis vestris
infedisset. ô stultos Martinios, Rhodings,
Beurhusios, Oltingeros, Severinos: amen-
tem Freigium, hebetem Scriboniū, nulli-
us consilii Makilmanæum, bardos deniq;
& stupidos, quicumque illam Aristoteli-
cam Rami ab universalibus methodum
laudibus aut privatim exornarint, aut pu-
blicè celebrarint. Sed quoniam de istis ho-
minibus actum est, quin pergis (elegantis-
sime philosophorum fili) Cantabrigien-
sem juvētutem ad hæc tam luculenta præ-
cepta erudire? non dubito quin illam fa-
cultate eloquentiæ tuę, si deflexerit a cur-
riculo veteris disciplinæ, revocare possis.

Verum-

Verumenimvero Everarde quid agis? cur te is perditum? cur existimationem ingenii tui tam inconsulto projicis? Scilicet tu sapientior quam Socrates, eruditior quam Plato, acutior quam Aristoteles, ea contemnitis quæ illi idiotæ præclara duxerunt. An oblitus es quas laudes Aristoteles generalibus attribuat? Generalia sunt *armantes, apponentes, amittentes, insuamantes* quod si igitur generalia in se rerum specialium causas complectantur, si eas ad illustrandas tñificam lucem adferant, si principiorum vim obtinere & imitari naturam judicentur: ubi est illa generalium obscuritas? ubi tenebræ? ubi confusio? Num causis quicquid illustris esse potest? quicquam ab obscuritate remotius? illæ sunt quarum admirabili luce res abstrusissimæ eruuntur & intelliguntur, involutæ explicantur, caligine obsessæ collustrantur. Quid res speciales? an explicari possunt & intelligi non explicatis intellectisque generalibus? Non possunt herele. Cum itaque explicatio specialium e generalibus derivetur, adeo ut nisi ab eisdem lucem aliquam acceperint specialia, eorum difficilis intelligi-

D. gentia

gentia futura sit & perobscura: quid est quod generalia tanquā obscuritatis plenissima arguantur? quomodo possunt esse ~~insuperabiles~~ & ~~exsuperabiles~~ quam sunt specialia, si fuerint obscurissima? Cur id porro difficilius intelligitur, quod simplicius est & pauciora complectitur? Cur denique ex universalibus oriri confusionem opinaris? universale quæcunque habet, ea ad specialia transmittit: quo fit ut specialium essentia partim obascitur a generalibus affectiones, partim ob suas & proprias sit e pluribus concreta illa quidem & temperata. Quæ est ista tanta confusio? ut primò generalium natura ad res plures communiter diffusa eleganti & succincta definitione proponatur: deinde in duas partes subtiliter distincta spectetur. Tibine literæ intelligentia confusior quàm syllabæ, & syllabæ quàm orationis videtur? Tibine argumenti natura ad intelligendum perturbatior quàm enuntiati, & enuntiati quàm syllogismi est? Habere naturam quæ ad res plures subjectas generatim attineat, non est id quidem per-

perturbatum esse & confusum : præsertim cum hæc generalis natura definita & partita membris exhibeatur . Quod si rerum variarum dissidentes affectiones permisceri in generalibus & confundi summa ratione diceret , quas natura alias ab aliis sejunctas esse voluit , tum demum de confusione non gravate assentirer . Aut si illa essentia in generalibus communione vel intelligentiam ipsorum impediri vel specialium obscurari naturam constaret , facile adduci potuissem , ut tibi universalibus confusionem tribuenti concederem . Invenire P. Rami artem grammaticam : attende parumper rhetoricam : dialecticam perlustra diligentius : inquire in Arithmetican & Geometriam : has equidem singulas disciplinas eo artificio conformatas a P. Ramo & eo digestas ordine deprehendes , ut primo generalissima ; deinde subalterna , postremo specialissima collocentur : & , tamen nihil in illis confusum & impeditum , nihil perturbatum , nihil accersita obscuritate spinosum reperiēs .

Quid igitur ? Satin' refutata videtur universalium obscuritas ? Assentiri te dices, universalia esse clarissima, sed natura, non autem nobis.

Nam ut sol (inquis) est omnium lucidissimus, quem tamen si aspexeris, & ipse sol, & reliqua omnia postea tibi erunt tenebra: ita clarissimum natura est nobis obscurissimum.

SICCINE adolescentum ingeniis vanissimæ distinctionis commento illudendum esse censes ? Quasi verò quæ naturæ claritate antecellunt, ea nequeant esse nobis clarissima. Nōne obsecro universalia sunt nota nobis ? si nescies, confitere te in dialecticæ præceptis plumbeum esse adhuc & planè hebetem: agnosce te tanquā humi stratum elegantem illam lineæ, superficiei, corporis, & rerum aliarum mathesi suspicere potius & admirari, quàm cuius generis & naturæ sunt, mente comprehendere: nega te in physicis, etsi in eisdem ferè consenueris, plus tamen propter generalium difficultatē incredibilem profecisse,

cisse. quàm Aesopi corniculam in musicis. Sin verò tibi logici artificii scientiā vendicare, si assumere laudem perfecti in Geometricis magistri, si deniq; summam physicae sapientiae cognitionem arrogare vis: quæ est ista tam inverecunda, tam theoricæ, tam somnolenta distinctio? dicere nimirum, universalia esse lumine naturæ sue notissima, nobis verò haudquaquam nota. Videmus humanæ cognitionis ergo artium disciplinas, quæ illæ cunque tandem sint, & paulatim e seminario naturæ succrevisse, & ad aliquam penè maturitatem pervenisse: & tamen homines dicemus minimè posse istam rerum generalium, quæ sunt artium præceptis explicatæ, tam excellentem & notitiam completi & claritatem intueri? Quòd si igitur non modò specialia, sed etiam universalia nobis nota & nostram subire intelligentiam dicantur, nova tibi e schola Aquinatis accersenda distinctio est: novæ theoriæ nova fabrica dedolanda. Vides eam jam existere quæstionem, cum utraq; sint nota, utrum eorum illustrius sit & notius. Huc redeunt illæ pro universalium clarissima luce Ari-

stolicae laudes, quod universalia nempe
sint *eternæ, æternæ, immutabiles*, ido-
que ad specialium illustrationem adhibe-
antur. Nam quod istuc similitudines
quasdam ad removendam a nobis rerum
generalium notitiam aggregaveris, nihil
jaurab illis periculi metuendum est. Vis
ut oculum solis lumine, sic mentis aciem
universalium splendore obtundi vehe-
menter & præstingui. Atqui verò nō magis
mihi physiologus videris, quam dialecti-
cus. Equidem si non ab aliis (qui tamen sa-
tis multi sunt) saltem a Velcurione fami-
liari tuo discere potuisses versari in genere
valde dispari sensus mentisque naturam:
illius perimendi in excellenti objecto vim
inesse: hanc, quanto clariora occurrunt,
tanto magis velut excussa caligine ad in-
telligendum excitari: & quo sese vehe-
mentius ad lucem universalium aspicien-
dam intenderit, eo acutiorem reddi so-
lere. Vide porro quid contra te ista ex si-
militudine arripiam. Ut lux solis propter
acceptam a natura mirabilem claritatem
est oculis nostris maxime conspicua: ut
etiam solaris lucis beneficio res prope-
modum

modum infinitæ sub aspectum cadunt: sic generalia propter insitam ipsis & nativam lucem ab hominibus intelliguntur facillimè: sic etiam eorum lumine res speciales tanquam collustratas intuemur. Ubi jam universalium illa tantopere a theorico doctore jactata obscuritas? ubi illius tuæ contra methodi unitatem conclusionis gloria? Dum caput dialogi tui ista de controversia decimum sextum intueor, dum illius postremum versiculum attendo, risum medijsfidius continere non possum. Inducis nempe Ramistam (sic enim appellas) confitentem errasse se jamdiu, & planè agnoscentem methodum non esse unicam. Ita videlicet hominem acumine tuo perculisti: ita valentem & nervosam theoriam adhibuisti: ita admirabili & singulari eloquentia perorasti. Nam

Alia (inquis) methodus initium ducit a luce, alia orditur a tenebris: alia a mente, a sensu alia: alia a nobis, alia a natura: alia descendit, alia ascendit: alia progreditur alia regreditur: alia texit, alia re-
texit.

Quæ tuum ingenium (analytice methodorum architecte) tam fecundæ & adipales Musæ obsederunt, cum ista cudebantur? Ut methodus pro rerum disponendarum notitia & lumine conformetur, ut ab universalibus quæ & ratione naturæ suæ & nobis sunt notissima inchoetur, ut descendat, progrediatur, & ordinem apta collocatione texat: ista omnia approbo, exorno, amplector: & in unicam P. Rami methodum eleganter convenire disputo. At verò qua fronte philosophus dialecticis imbutus, analyticæ theoriæ sapientiam vendicans, spirans denique majestatem præstantissimæ monarchiæ, dicere audebit methodum aliquam esse quæ a caligine & tenebris progreditur? istud profectò tale est, summo ut studio certasse videare, ne quis Everardū vel Dorbella vel Scotista delirio insulsissimi sophismatis aliquando superaret. Quid de methodo regrediendi & a singularibus sensu perceptis ad generalia ascendendi dicam? Quid de retexendi ratione? utraq; hæc methodus accuratius deinceps excutietur, & infantissimi elenchi convincetur.

CAP. VII.

VIDES (Everarde) methodi unitatem nondum ingenii tui theoriis dissipatam corruisse. Attamen quasi re confecta palmam lemniscatam expectares, pro auctoritate monarchię tuę methodum partiris, & generum varietate distinguis. Methodus (inquis) distribuenda videtur quibusdam habita ratione nostri vel rerum subjectarum. Sanè verò qui methodum sic e rerum ipsarum natura metiuntur, ut quę lumine notitię cæteris antecellit, ea primam sedem obtineat, quę claritate naturę proxima est, ea secundo loco collocetur, & ita deinceps: ii certè id unum agunt, ut magnam nostri videantur rationem habuisse. Nam ista tam prudente rerum dispositione non modò intelligentiæ nostrę, sed etiam memorię consulitur præclarissimè. At si quis pro varietate hominum quòd alii agrestes sint & impoliti, alii alacri ingenio & ad humanitatem liberaliter instituti: aut pro rerum discrepantiis, quòd alię illustres natura clarę quę

D 5

sint,

sint, alię in quadam obscuritate versentur: siquis (inquam) pro ista dissimilitudine multitudinem methodorum confingendam esse statuat, is hercle ex illis est quę musę dialecticę nondum ad ullam iudicii accuratorem expoliverint. Non assequitur animo Rameę methodi dignitatę: non utilitatem & necessitatem intuetur. Sed quid est cur non methodorum fabricator iste parem diligentiam in cęteris dialecticę partibus adhibeat. poterat cõsimili ratione inventio argumentorũ pro genere personarum dupliciter distingui, adeo ut alia imperitis, alia doctis traderetur. Verum perge & methodi primam distributionem propone.

Methodus (inquis) alia popularis est, alia exacta.

QUÆ NAM est methodi tam inconcinna distributio? Si dixeris enuntiati aut syllogismi disciplinam aliam ad sensum communem accommodari, aliam verò politius esse & subtilius informatā: annon te populares tui risu & sibilis excipient? eisdem enim præceptis in veritate

tate pervidenda, eisdem legibus in iudicio
consequentię uti possunt & illi qui nul-
lius elegantiam disciplinę attigerunt, &
illi qui Academiam profitentur. Sic me-
thodus non est certis definita personis, nō
ad res certas alligata, sed una eadēq; ad
rerū universalium collocationem, si ve ge-
nerales si ve speciales fuerint, potest & de-
bet ab oībus, si ve sit tradenda disciplina
imperitis, si ve eruditorū exaggeranda co-
gnitio, semper adhiberi. Quantum enim
de unica illa ab universalibus via detrahi-
tur, tantum de rerum facili intelligentia &
memoria imminuitur. Non ignoro ab o-
ratoribus & poētis methodi quandā ^{reputari}
interdum scienter institui: sed occultatio
ista quæ non totius methodi absoluta in-
versione, sed partium quarundam vel el-
lipsi vel redundantia vel præpostera di-
spositione efficitur, occultatio (inquam)
ista scenæ profectò est & palestra, aut po-
tius ad permovēdū quæ sita, quàm ad do-
cendū instituta. Quare popularē illā, quam
appellas, mihi pro methodo admittere re-
ligio est: sit si placet methodi quēdā ^{reputari}.
Quid si rhetor aliquis in artis exquisita
descrip-

descriptione pronuntiandi artem in recta
 & vitiosam partiretur, aut ethicę doctri-
 nę magister justitiam eas in partes didu-
 ceret, quarum altera veritatem justitię
 cōplecteretur, altera justitię adulterinam
 imaginem referret : ecquid aut illum sic
 pueriliter rhetoricantem, aut hunc de ju-
 stitia contra legem justitię philosophan-
 tem ferre potuisses? Removeatur itaq; illa
 tua popularis methodus : cujus est abs te
 nō satis dilucidē explicata definitio. Nam

*Popularis methodus est (inquis) qua materi-
 am subjectam secundum communis pru-
 dentię regulam absolvit.*

QUID tandem est materiam subjectam
 absolvere ? an eam definitione tractare ?
 an distributione evolvere ? an syllogismo
 disceptare ? at ista naturam methodi non
 attingunt. An igitur absolutio subjectę
 materię idem est quod materię æstimatę
 jam ac judicatę dispositio ? si sit, peregrinā
 loquendi formulam valdeq; alienam af-
 fers. Agedum exacta methodus quid est ?
 in illius explicatione more psittaci dictata

recitas

recitas. Bis terne istuc exacte methodi definitiones sunt aliunde repetitæ. Quarum certè aliæ inanes sunt & heterogeneæ: aliæ ad referendam methodi effigiem velut typi quidam rudes & inchoati: nulla verò integram illius naturam & suis absolutam numeris proponit. Non satis est dicere methodum esse præcedentium & consequentium artificiosam dispositionem, nisi etiam quomodo sit informanda dispositio, quibus gradibus distinguenda, quem ad ulum concinnanda, explicetur. Equidem ista tanta definitionum copia lubricam in te & fluctuantem de methodo opinionem arguit. Quid sit methodus dicerem nescire Everardum, nisi philosophum celeberrimas theorias ostentantem, & de methoho texentem dialogos in definienda methodi natura haberem esse & imperitum, propè incredibile videretur. Qui conclusionis necessitatem exacte methodo propositam esse contendit, ecquid huic philosopho compertam esse methodi rationem & exploratam dicemus? nulla hîc vigilantis sana oratio, sed somniantis inane phantasma.

CAP. VIII.

SED excita tandem (Digbeie) conso-
pitam illam intelligentiæ tuæ faculta-
tem: evoca aliquam magnificam theori-
am: nec patiare nos desiderio diutius lan-
guescere suavitatis tuæ. Quanquam her-
cle non inficior quin te hætenus latis li-
beralem experti simus. Etenim exhibui-
sti nobis pleræque methodi ornamenta.
Proposuisti methodum speculantis, me-
thodum agentis, methodum demonstrā-
tis, methodum docentis, methodum cre-
dentis, methodum dubitantis, metho-
dum lucis, methodum tenebrarum, me-
thodum mentis, methodum sensus, me-
thodum nostri, methodum naturæ, me-
thodum descendendi, methodum ascen-
dendi, methodum progrediendi, metho-
dum regrediendi, methodum texendi,
methodum retexendi, methodum popu-
larem, methodum exactam. Non pos-
sunt istæ methodorum deliciæ, quas tuæ
Analyticæ Musæ quasi uno partu exclu-
serunt, sine aliqua grata commemoratio-

ne præteriri . Que jam supersunt methodi? Methodus tibi una est a notioribus nobis , altera a notioribus natura . Suade ista vel potius persuade.

Discens (inquis) & docens, nos & natura in oppositis consistimus terminis.

Duplex igitur est methodus, altera a notioribus nobis, altera a notioribus natura.

MIRIFICA hercle suasio, eaque digna rostris vel rastris potius . Primum quæ est illa natura, quam nobis tantopere oppositam esse vis? an ratus in rerum universitate & constans ordo? opinor repugnabis . an rerum generalium natura? ea certe est . Sed quid ita? num propter obscuritatem? at docuimus etiam ratione nostri generalia lumine notitiæ præcellere . Num quia a nobis tanquam a principio ad generalia tanquam ad aliquod in arte extremum progredimur? At inquam in perdiscendis disciplinarum artificiis nec a nobis, nec ad nos progressionem ullam instituimus: atque ut generalia extremum in artis con-

conformatione locum obtineant, id a te quasi concessum temerè arripitur, non ratione demonstratur. Deinde concedatur si placet, nos & naturam in oppositos terminos concessisse. Quid an inde duplex methodus consequetur? ut hujus consecutionis sapientia clarius elucescat, res ad formam integri syllogismi revocata, proponatur.

Duo oppositi termini efficiunt duplicem methodum.

Nos & natura sumus duo oppositi termini.

Nos igitur & natura efficiamus duplicem methodum.

NUNQUID te ista pungunt? num theoricæ jesunitatem produunt? propositio istius syllogismi si generalem sententiam complectatur, sophismate offendit inanissimæ falsitatis: sin verò particularem, non es in texendo syllogismo syllogismi legibus obsecutus. Ut enim sese parum verecundo mendacio constringit, qui a quibuscumque oppositis terminis duas oriri methodos affirmat: sic qui propositionem syllogismi

gismi in prima Aristotelis figura dispositi
particularem efficit, is non ad syllogisticae
praeceptionis formam accommodate dis-
serit, sed ad fraudem & captiunculam tur-
pissime deflectit. De Assumptione quid
dicam? illius antea satis est demonstrata
vanitas. Cum igitur in syllogismi tui par-
tem antecedentem tam insignes elenchos
conjeceris, adduci non possum tibi ut de
complexione assentiar. Quid est (Digbee)
quod tibi homini acuto tam obtusa, in-
structo a logicis tam sapienti tam insi-
pida exciderint? Multa tu quidem de opi-
positis terminis fabulare. Hinc est quod
aliam docenti, aliam discenti metho-
dum attribuas: quasi a magistro disci-
pulus non eadem methodo ad perci-
piendam artis disciplinam ducendus es-
set, ad quam ars ipsa exaedificata est. Si ars
a summis per intermedia ad infima des-
cendit, primum summa illa a doctore tra-
denda discipulo: deinde decurrendum ad
intermedia: postremo de infimis cogitan-
dum. Neque vero inversa illa rerum collo-
catione, quae a specialissimis inchoata ge-
neralium decursu terminatur, discipuli
E. imbecilli-

imbecilitas sublevatur, sed variis rerum
præpostero ordine confusarum difficulta-
tibus penè obruitur. Sit igitur discipulus
is, quem abhorrentem a literis natura ad
tarditatem finxit ingenii, qui sese abjecit
ad dedecus, qui est potius ad stivam rele-
gandus quam ad Academiam transmit-
tendus: attamen si refragantibus Musis ad
alicujus degustandam acroasin disciplinæ
aliquando se cōtulerit, unica illa ad hunc
informandum P. Rami methodus affere-
tur. Quæ itaque generalissima existunt, ea
primū sunt huic tam vasto & hebeti Cory-
doni inculcanda: deinde impingenda sub-
alterna: ad extremum specialissima obtru-
denda. Quod si discētis industriam gene-
ralium obscuritas retardaverit, est ea non
modo facili interpretandi genere minu-
enda, sed etiam familiarissimis & illustris-
simis exemplis dissipanda. Atque hanc a
generalibus viam expedit perpetuo & ab
omnibus adhiberi: cum præsertim sit ac-
curatissimi compendii, & res universæ isto
ordine prudenter colligatæ facillimè pos-
sint cognitione comprehendendi hominumq;
memoriis insidere. Cōtrā autem si quis ar-
tis

tis præcepta ad hūc ordinem redegerit, ut res specialissimæ velut prima acie disponantur, subalternæ in mediam turbam dimittantur, generalissimæ postremo agmine concludantur: dici non potest quanta & quàm gravia sit in artem sophismata illaturus. Primò intelligētiam mentis distrahi vehemēter & perturbari necesse est, cū ea in specialiū explicatione cōfundantur, quorū cognitionē e generalibus repetendā esse contat: cūq; ab antecedentibus præceptis consequentia illustranda sint, quæ esse potest in rebus ad hanc methodū dispositis perspicuitas, in qua generalia specialium causas cōplexa ideoq; ad lucē eisdem afferendam aptissima ad infimum in arte gradum deprimuntur? Deinde quæ tandem ex ista methodo non oritur difficultas memoriæ? quī fieri potest ut frequentibus & cōfusissimis obrita tautologiis non languescat ac succumbat? Nam cū sit generaliū demōstratio nondū informata, necesse erit ut in singulis specialibus communes affectiones minimæ illę quidē definitæ adhuc & explicatæ iterentur. Quid ergo Everarde? cum ex P. Rami

methodo (ut de artis ordine isto dispositæ
elegantia brevitate taceã) duę summæ uti-
litates nascantur, expedita nimirũ rerum
intelligentia & facilima memoria: num eã
a specialibus viã, quæ a te methodus no-
tior nobis methodusq; discantis appella-
tur, meritò tibi abjudicare & rejicere vi-
demur? utpote quæ perturbatione intel-
ligentiæ, memoriæ confusione, rerum tra-
ctu longiore nimiumq; excrecente offen-
dat gravissimè. Verumenimvero partitio
illa rerum notiorum Aristotelica Everar-
dum decepit & in fraudem induxit: immò
mirificæ ex eadem tenebræ sese multas
ad artes diffuderunt. Inquiramus igitur in
eam parumper: spectemus num satis logi-
cè prudenterq; facta sit: & si sit, num ex ea
methodus bipartita deduci possit videa-
mus. Notius itaq; ut placet Aristoteli, du-
plici ratione distinguitur: aliud est notius
nobis, aliud notius natura. Dico Everarde
notioris partitionem istam esse ab orga-
nicæ disciplinæ magistro potius somnia-
tam, quàm cogitata institutam ratione
& iudicio. Etenim in ea modus notitiæ
cum homine cui res nota sit perinscitè
com-

comparatur. Quid si artifex medicinae in rerum salubrium distributione diceret, alias esse hominibus salubriores, alias verò natura : annon risum prudenter intelligentibus commoveret? Si musicus e duobus sonis propositis illum acutiorem nobis, hunc natura acutiorem esse contenderet, annon Musicum istum planè derelictum a Musis esse diceres ? Dic jam Digbeie hunc sonum esse natura acutissimum, sed nobis ne acutum quidem : Dic hunc colorem esse natura splendidissimum, sed nobis valdè obscurum & tenebrososum videri : Dic errasse Aristotelem, cùm disserit id esse absolutè & natura bonum, quod viro bono tale sit : id absolutè salubre, quod hominibus corpore bene affectis salubre sit : & id similiter natura & absolutè notum, quod nobis mente eleganter compositis notum existat. Dic etiam Jacobum Carpentarium, cui tu plurimum tribuis, delirasse, qui primo suæ physicae descriptionis capite docet eadem esse omnino & natura notiora, quæ sapienti notiora sunt. Quòd si in hisce non erravisse Aristotelem, non lapsum

sum esse Carpentarium, sed utrunq; verè philosophatum esse arbitrere, rejicienda pfectò illa est tam inepta rerum notiorū comparatio, statuēdūmq; quæ natura notiora sunt, eadem ipsa esse nobis notiora. Pluribus istius partitionis infantiam refellerem, nisi eandem essem & antea satis fuisse sexto capite persecutus. Age verò, qđ cōmentitium est, sit illud tamen si placet veritati consentaneum: sit ista legitima & sapienter confecta partitio. Quomodo eādem ex ista partitione binarium methodorum numerū deduces? Vin' in arte constituenda ut a specialissimis ad generalissima progrediamur? eæ enim tuo judicio nobis sunt notissime. At (inquam) si rebus specialissimis singulares & sensu perceptas comprehendis, ab iis artem exordiri vis quæ nullam in artem excepta Astro nomia cadunt. Sin subalterna intelligis, minimè illud, quòd proposueras, assequeris. Nam subalterna ista, cū naturam obtineāt ad res multas generatim diffusam, erunt etiam vel tuo judicio ad rationem nature nota & illustria. Quid dicam de incommodis quæ ex ista a specialibus ad
gene-

generalia progressionem redundant? Disserui de perturbatione mentis & intelligentiæ: memoriæ confusionem inde natam demonstravi. Quapropter Aristotelica notioris distributio ut anilem subtilitatem redolet scholastici ingenii: sic ad duplicem artium conformandarum methodum constituendam est longè ineptissima.

CAP. IX.

SED ecce e duplici in homine principio duplicem methodum exilere vis.

Sagax natura (inquis) hominem, ab ortu sic instituit, ut duplicis methodi duplex in se principium representet, lucis scilicet & tenebrarum.

QUAE tandem lucis & tenebrarum vocabulis principia interpretaris? Quantum ex oratione tua divinare possum, lucem pro mente, tenebras pro sensu posuisti.

Quid tibi in mentem venit ut sensum cum tenebris tam inconsulto conferas? Vis specialia esse nobis clarissima, aut quia sensu apprehenduntur, aut quia sensui vicina sunt: & vis etiam isto tenebrarum (ut appellas) principio res distinctè & particulariter (sic enim loqueris) discerni ac judicari. Quomodo igitur, cum sensibus cognitionem, cum vim accuratius distinguendi ac judicandi eisdem concedas, quomodo (inquam) sensibus cum tenebris tanta cognatio intercedit? Verum remitto istud tibi: sit sensus principium, sit mens etiā principiū scientiæ & cognitionis acquirēdæ. Quid tum? an hinc duplex methodus existet? hujus tam frigidæ consequentię judicium quis ita stupidæ mentis est aliquando ut probet? Agnosco e sensuum observatione & rerum inductione omnem cognitionem defluxisse. At verò res singulæ, postquam subsidio sensuum & mentis lumine cognitæ fuerint, si volumus ipsas ordine aliquo devinciri, sunt illæ quidem unica P. Rami a generalibus methodo digerendæ. Aliud est sensus mentisque beneficio ad rem intel-
ligen-

intelligendam pervenire : aliud res intellectas methodo disponere . Neque si acquirendæ cognitionis via in multiplici genere sita sit, idcirco rerum jam cognitarum dispositio in varias ac repugnantes species distinguetur . Quòd si rationem parandæ scientiæ quæ per sensum efficitur, methodum appellas, & idem de mentis ad rem cognoscendam actione statuis : duas hercle præclaras methodos constituis : quarum utraq̃ue tantum abest a veritate methodi, quantum abesse videmus aut vanitatem contorti sophismatis a laude sapientiæ, aut Everardi analyticâ theoriâ ab ornamentis excultissimæ disciplinæ .

CAP. X.

SI quantum voluntate contendis, tantum studio & facultate potuisses, eam hercle ad magnitudinem theoria dialogi tui excrevisset, ut quod nunc Analyticæ tuæ monarchiæ proprium est, nempe ut a nemine ferè sumatur ad legendum, id ei cum dialogo tuo commune extitisset.

Eg

Sed

Sed præclare cecidit quod in excitanda monarchia maximam partem ornamentorum & sapientiæ tuæ consumpseris : adeò ut ad exornationem dialogi paucae duntaxat reliquiae superessent : quæ tamen eas sophismatum ineptias complectuntur, ut aliis miserandæ, aliis deridendæ videantur. Earum jam multas, cum indignæ essent quæ verbo refellerentur, tamen uberiore oratione disceptavimus. Restant & aliæ pari elegantia quisquiliæ ad unitatem methodi abrogandam aliunde istuc comportatæ.

Non eadem (inquis) methodus est scientiis invensendis & docendis. duplicem igitur esse necesse est.

SICCINE hallucinari placet ? Cum de artificiosa rerum, quæ jam inventæ sunt & separatim judicatæ, collocatione agatur, quæ te tam præcepti theoria impellit, ut ad convellendam methodi unitatem artium inveniendarum methodum opponas ? equidem pro tua in logicis singula-

ri sapientia duplicem nobis ex hac inveniendi methodo elenchum peperisti. Nam & rem falsam proponis, & si maxime vera esset, tamen alienam. Vis artium inventionem a finis deliberatione oriri, & sic a summo fine per media ad infima descendere. Quo quid dici potuit homine philosopho indignius? omnes enim disciplinæ, postquam naturæ per sensum observatio accessisset, ex accurata specialium inductione per subalterna ad generalissimum ascendendo effloruerunt. Sic grammaticæ elegantiam, adhibita inductione observatio peperit castissimæ dictionis. Sic dialectica non est e commentis nata scholasticæ theoriæ, sed ab imitatione excellentissimæ in usu differendi rationis per inductionem derivata. Sic Mathematicis numerorum & magnitudinis: sic splendor universæ physiologiæ velut e naturæ igniculis inductione specialium ad generale constituendum antegressa emicuit primò & illuxit. Hinc Hyppocrates, cum medicinæ singulares quasdam observationes in Aesculapii delu-

F. M. N. DE UNICA

delubro consecratas esse vidisset, generalia medicine theoremata constituisse dicitur. Eadem est Aristotelis de artium inventione sententia: a quo certe homine tua jamdudum vehementer aberrat oratio. Ille in posterioribus Analyticis observationem, experientiam, inductionem, quod ab hisce omnium artium instituta procreentur, copiose magnificeque celebrat. Ille in ethicis finem assumendum, non de eo consultationem ineundam esse differit. Tu contra in artibus inveniendis de fine adhibendam deliberationem esse contendis. Sed facio injuriam Everardo. Aliud est illi a summo fine per media ad infima descendere: aliud ab universalibus per subalterna ad specialissima. Ac proinde quod ipsi doctrinarum a generalibus ad specialia descendendo inventionem attribuerim, crimen fortasse mihi illatae calumnie subeundum est. Vult enim in eo culpa vacare, in quo P. Ramum reprehendit.

Ramus (inquit) omnis impatiens distinctionis nullam aliam vult esse methodum.

ant

aut inveniendi aut docendi, quàm potissimam hanc & demonstrativam a generalibus ad particularia (idem a te intelligi necesse est) At hac exactè inveniendis & docendis scientiis potius quam nobis instituendis est accommodatior . & paulo post: *Analysis* (inquit) dicitur vel descensus a fine ad media, vel a generalibus ad specialia : priore acceptione artes inveniuntur , posteriore explicantur .

Cap. xxi.

Q U I D (ut de barbarismo taceam) istis futilius ? Quid illotum magis & inquinatum fieri cogitari ve potuit à primo infantissimæ distinctionis commento tibi ipsi imponis . Nam finis ille, quem in deliberationem cadere vis, annon toti arti inveniendæ communis est ? & media generalissimo fini proxima, annon etiam subalterna dici possunt ? possunt hercle. Atque hac ipsa a generalibus ad specialia methodo accuratam disciplinarum inventionem institui disertissimis verbis affirmas . Recognosce mecum verba tua, quibus demonstras methodum ab univer-

versalibus ad singularia esse accommodatorem scientiis exactè inveniendis & docendis, quàm nobis instituendis. Tuo igitur iudicio artes a generalibus ad specialia descendendo inventæ sunt. Deinde quid est quod Rami dialecticam tam sine verecundia calumniere? Ille ne methodo a generalibus artium inveniendarum rationem contineri aliquando diceret? Illène tecum Everarde tam pingue & lutulentum sophisma tueretur? Illène quæ toto genere accuratissimis præceptis distinxit, ea tam aniliter & ineruditè confunderet? Magnam in hominem divinissimi ingenii, sed publico triginta annorum testimonio refutatam calumniam contulisti. Postremo quale illud est quod isti methodo affingas? esse nempe eam scientiis docendis quàm nobis instituendis accommodatorem. Monstrum quoddam & portentum narras. Qui unquam tradendarum scientiarum artifices non eam in discipulis suis ad cognitionem erudiendis methodum secuti sunt, ad cuius legem ars illa, quam tradiderunt, de-

descripta esset? si modò methodus illa
 artis præcepta ad clarissimum ordinem
 redacta gradibus quibusdam ad intelli-
 gentiæ & memorię facilitatem elegan-
 tissimè distinxisset. Vides grammati-
 cæ præcepta eo ordine digesta, ut pri-
 mo grammaticæ definitio proponatur:
 tum partitio in etymologiam & syntax-
 in subsequatur: deinde tota etymolo-
 giæ ratio utilissimis comprehensa the-
 orematis exhibeatur: postremò expli-
 cata jam etymologia vides universæ
 syntaxeos disciplinam eodem ordine
 pertractari. Tu fortasse homo sapiens
 & variarum methodorum lautissima su-
 pellectile abundantissimus, si tibi ali-
 quot discipuli essent ad grammatici ar-
 tificii sic descripti scientiam informan-
 di, eisdem opinor primo syntaxin tra-
 cto a postremis illius præceptis initio
 ad discendum proponeres: deinde
 gradatim ab ultimis ordiendo etymo-
 logiæ instituta peragrare. Equi-
 dem remitterent tibi istam diligent-
 iam discipuli tui, & se cum tua nova
 metho-

methodo libenter carere, tum ista dispositę artis methodo erudiri facیلē paterentur. Sed attende ipse tecum (ô philosophorum fili) & diligenter intueri, quem ad finē artes excellentissimi ordinis splendore illustrentur. Annon ut confusione dissipata ipsas & intelligentia & memoria facilius complecteremur? Id si ita est, ~~cur~~ non quę methodus disponendis artibus accommodatissima perhibetur, eadem ad alios instituendos videri debet aptissima? Sed ut ad institutam thesin revertar, pervicit ratio, & authoritas Peripatetica confirmavit singulas artes e specialium inductione ad generale constituendum adhibita effluxisse. Veruntamen præceptorū inventionem factō a generalibus a specialia progressu cępisse, cui ratio communis vehementer reclamation, tanquam verissimum obtineto. Quid hinc consequetur? an duplicem esse methodum, unam artis inveniendę, alteram disponendę? pudet me tui Digbeie. Ars inveniendi & artes ipsas & cętera omnia est a P. Ramo in prima dialecticę parte luculentissimis decretis informata. Nulla hęc de artium
in-

inventione , sed de tota ipsarum ad ordinem conformatione questio est . Partitus ille est in duo membra universam dialecticæ naturam , inventionem nempe & iudicium . Inventionis vim ad res omnes inveniendas sive illæ artium genere concluderentur, sive ab artibus essent alia, generatim dispertivit . Deinde omnem iudicii facultatem enuntiato ad veritatem iudicandam, syllogismo ad disceptandam consequentiam, methodo ad ordinem imprimendum comprehendit. Qui igitur ad labefactandam Ramæ methodi unitatem methodum artis inveniendæ opponit , equidem non propositam questionem attigisse , sed eidem tergiversando & rem alienissimam opponendo egregium sophisma videbitur suffudisse . Contendit Ramus unicam esse artis jam inventæ & separatim enuntiato aut syllogismo iudicatæ ad ordinem revocandæ methodum . Tu eum ad resellendum affirmas duplicem esse methodum , unam collocandæ artis, alteram ejusdem inveniendæ . Perinde est ac si contra rhetorem verissimè affirmantem rhetori-

toricę pronuntiationis rationem bitem-
brem esse, eamque voce aut gestu conti-
neri, illico opponeres eandem esse tri-
plicem, unam vocis moderandę, alteram
gestus conformandi, tertiam orationis
per tropos exornandę. Quapropter ar-
tis inveniendę ratio a quęstione de artis
inventę ac judicatę methodica collo-
catione removeatur.

CAP. XI.

NON adhuc methodorum varieta-
tem theorię tuę procrearunt: non
adhuc Rameę methodi unitatem evertere
potuerunt. Veruntamen ita magni ani-
mi es, ut nondum cedendum esse, non-
dum hastas abjiciendas putes. Quibus
ergo præterea argumentis pro multipli-
ci methodo decertatur?

*Methodus (inquis) docendi duplex est, una
ab universali ad specialia descendens,
alia ab imo ad summum per synthesein af-
scendens.*

Atqui

Atqui (inquam) synthefin hanc, quam antea methodum nobis notiozem appellavifti, docuimus effe non concinnitate ordinis infignem, fed ejuſdem inverſione præpoſteram, perturbatione intelligentiæ odioſam, memoriæ confuſione deteſtabilem. Iſtam methodi partitionem potiùs ut monarcha imperas, quàm ut politus & ſchola magiſter demonſtras: ideoque ſtatim ad alia quædam digrederis. Conaris igitur primum in laudem methodi analytica velut panegyricum ſed illum breviusculum concinnare: quòd nempe ſit divina virgula: quòd grefſus dirigat mortales ad lucidum veritatis fontem: quòd ſit Homeri aurea catena: quòd per eam ad Chryſtallinum ſcientiæ coelum aſcendamus: quòd fidem noſtrā non imploret: quòd ſit certa ratio & indubitata: quòd ſit methodorum exactiſſima. Magnæ profectò laudes. Sed vide quàm parum conſtanter egeris. Ad- diſ enim hanc ipſam methodum nobis eſſe obſcuriſſimam, & dialogi tui decimo ſexto capite, eandem authorem confuſionis, plenam tenebrarū, ſummi erroris

& ignorantia abyssum appellas . At quid fieri potest ut methodus analytica sit nobis instar divinissimæ virgulæ ? ut illius ductu ad fontes excellentissimæ veritatis & scientiæ veniamus ? ut vestigiis nostris ad rerum optimarum cognitionem dirigendis magistra sit & princeps ? si nobis ipsam insequi cupientibus non modò summam caliginem & tenebras offuderit , sed ita præverit , ut nos a scientia ad incertitiam , & a veritate ad errorum portenta deducat . At longè secus est : elegantissimæ methodo gravissimam contumeliam inuris , sed a nobis sexto capite refutatam . Nugaris deinde de multiplici Analyseos potestate : ubi a P. Ramo quatuor analyseos species factas esse asseris . Carpentarii figmentum agnosco : tuam & credulitatem reprehendo , & in Ramo legendo diligentiam desidero . Isthuc varias ineptias accumulas . Sæpius antea disseruisti methodum analyticam descendere : hinc tamen quæris utrum methodus analytica sit ascensus an descensus . Potes certè de Everardo , postquam antecellere eum gloria sapientiæ

entia edocueris, eadem ratione quærere sitne Everardus sapiens an stultus. Pergis deinceps analyseos & demonstrationis differentiam interpretari. In cujus explicatione differentiæ, duplicem elenchum subiecisti. Nam analysis ista, cujus a demonstratione discrimen explicandum suscepisti, naturam sortita est a methodi instituta quæstione alienissimam. Quis enim ita bardi ingenii est, ut putet methodum a quæstione procedere per proximam causam, ab hac ad tertiam, perpetuò causam aliam ex alia retexendo? Quod verò ad demonstrationem attinet, cum sit commentitia subtilitas non frugifera disciplinæ præceptio, nata in peripato, non observata ex usu rationis, alta in sophistarum umbraculis, non educata in curriculum sapientum, adhibita ad pompam & speciem, non ad usum evocata: non fuit de analyseos ab illa discrimine tantoperè laborandum. Demonstrationem esse syllogismum placet Aristoteli, sed ita contextum ut quæstio *dictæ* concludatur. At hujus syllogismi neque materia ulla est neque for-

ma. Vt enim nulla propria causa reddi potest, per quam subjecto inesse dicatur propria affectio : sic cum ad questionem *dioti* concludendam incubueris, concludes illico *to dioti*. Hujus demonstrationis sapientiã Peripateticus sexti ethici contemplator ethice discipline auditoribus commendavit. Quis non eximiam contemplationem & planè admirabilem esse dicet, in texendo videlicet syllogismo demonstrativo per omne tempus ætatis operam studiumque consumere ? Equidem in texenda fabrica tam divini syllogismi apparebit sudor Syssiphi, sitis Tantali, amor Narcissi. Nã contemplator ille:

*Spem sine corpore amat, corpus putat esse
quod umbra est :*

Et placet & cernit, sed quod cernitq; placetq;

Non tamen inveniet : tantus tenet error amantem.

MITTE itaque analyseos a demonstratione differentiam : mitte etiam de analyti-

lytica methodo tam incultam & leviculam theoriam . Non enim methodus generalia in particularia resolvit : non integrum in membra, aut finem in media distinguit : non a questione conclusa progreditur aliam causam ex alia retextendo donec ad primam deventum sit . Sunt ista ingenii tui commenta in methodicę collocationis questione nimium peregrinantis . Nam methodus hasce res prius & eleganter definitas & in membra perartificiose distributas pro naturę in singulis claritate, ordine, & loco disponit . Quin & in eo vehementer erras, quod demonstrationem esse methodū perfectissimam arbitrere.

Qua (inquis) a causa perfecta ad conclusionem perfectam procedit, ea sola est methodus perfecta.

Demonstratio a causa perfecta ad conclusionem perfectam procedit.

Demonstratio igitur sola est perfecta methodus.

Quid huic tam delicato pro demonstratione argumento fiet, si demonstratio umbra duntaxat sit, si somnium, si figmentum? Sed fingamus non modò esse demonstrationem, sed esse singulari utilitate dispersam per artes & propagatam. Quidan quia propriam affectionem subjecti per propriam perfectamque causam concludit, ideò sibi vim noménque methodi perfectissimæ vendicabit? Vtinam quæ esset methodi natura compertum aliquando haberes: nunquam in istis minutiis persequendis tam graviter laborere. Pudet profectò, hominem Cantabrigiensem res gravissimas & splendore cujusvis monarchiæ optabiliores pollicentem, toties de rebus minimis admone-re. Vin' tu syllogismum esse methodum? at demonstratio syllogismus est. Vin' tu methodi præceptis non ordinis accurationem informari, sed vim deductæ e propositione & Assumptione conclusionis judicari? Vin' id, quod methodi lege ad ordinem redigi potest & debet, methodum rerum suis
locis

locis collocandarum usurpari? At syllogismus, in quo non dispositio rerum pro lumine notitiæ suæ ad ordinem efficiendum, sed ars quæstionis cum tertio argumento disponendæ attenditur, methodo potest, ut cætera omnia inventa ac iudicata, disponi. Quapropter refer aliquando te ad meliora: implora Apollinem & Musas, ut te vagantem jamdiu & quasi incertis sedibus errantem domum deducant, ut possis qui & ubi sis agnoscere, nec non rejecta sophismatum vanitate a polioribus literis erudiri.

CAP. XII.

ECCE eadem rursus sophismatum paradoxa occurrunt, quæ antea non parum sæpe obtrudebantur. Methodus exactissima (inquis) non est nobis aptissima: quia est plena confusionis & tenebrarum: Caput 30. Quo, quid dici potuit a dignitate philosophiæ alienius? Verum esto confusionis plenissima & tenebrarum. Attamen si te 30. cap. philosophantem audire volumus, non possumus in aliquam

ista methodo incidere aptiorem. Tuo enim iudicio intellectus noster (sic enim ais) melius se habet ad tenebras quàm ad lucem. Hujus paradoxii concinnitas a te superius proposita & a nobis plenius refutata, nimium sese effudit. Occupavit caput 30. Influxit in caput 31. inde ad cap. 32. est derivata. Hinc in cap. 33. traducta aliquando constitit. In capite tricesimo secundo, nescio quæ præclara occurrit & quasi lucet theoria, eaq; hercle ab Everardo disceptata divinitus. Differit analyticam methodum non esse discenti proponendam sed aliam faciliorem. Id isto syllogismo vicisse se putat Everardus.

A sine (inquit) scientia nemo incipit.

Demonstratio est finis scientia.

A Demonstratione igitur nemo incipit.

Quid tibi vis Digbeie? cur hæres in demonstrationis sophismate? proposita tibi est de methodo rerum disponendarum controversia. Tu a methodo ad anilem illam & metaphysicam syllogismi demonstra-

strativi sapientiam delaberis. Sed enim fit Aristotelica demonstratio idem quod methodus: quæ tamen non magis naturam methodi attingit, quàm tua analytica theoria viam ad monarchiam scientiarum demonstrat. Sit tamen illa, si placet, methodus. Quid annon a demonstratione ordiendum est? A fine scientiæ (inquis) nemo incipit. Doceri cupio. Equidem cum finis scientiæ ita comparatus sit, ad eum ut sint omnes scientiæ partes communiter referendæ, cur non est ex Aristotelica lege καθολικῶς ἀρχῇ initio totius artis proponendus? Sic grammatica, rhetorica, dialectica, mathematica per finem reliquis causis conjunctum principio definitæ progrediuntur. Quid Assumptio hujus syllogismi qualis est? Demonstratio (inquis) est finis scientiæ. Cujus obsecro? an Grammaticæ, Rhetoricæ, Mathematicæ, Astronomiæ, Musicæ? opinor pernegabis. Cujus ergo? an dialecticæ? Sane verò. Deus bone, ubi sensus tui? ubi intelligentia? In propositione finem cujuslibet scientiæ generatim intelligis. In assumptione a generali finis notione
ad

ad finem dialecticæ delapsa argumentatio est. Sic aliud proponis, assumis verò concludisque aliud. Quòd si verò negem (ut jure optimo negare possum) demonstrationem esse logicæ finem disciplinæ, quid huic tam misero syllogismo fiet? Nunquid artis dialecticæ finis dicitur, ad quem non tota ars, sed artis particula refertur? at demonstrationi ex omnibus argumentis causa, ex omnibus causis propria duntaxat & necessaria primo primæ figuræ modo conclusa inseruit. Nunquid etiam dialecticæ finis is erit, qui non intra potestatem artis continetur, sed ad fortuitum eventum alligatur? At ut res demonstretur, id viribus dialecticæ nō semper efficitur. Vide igitur quā non sis quod voluisti assecutus. At assequeris fortasse in iis quæ deinceps disseruntur. Videamus quā id scite efficias. Doces capite 33. methodo nobis facilima artes esse discendas. Id & tu antea frequenter monuisti, & ego perlibenter audio. Doces etiam a notioribus nobis hanc facilimam methodū proficisci. Id similiter amplector & orno. At doces specialia esse nobis notissima, obscu-

obscurissima verò generalia. In eo mihi tecum non convenit: id non laudo: immò id totum abjudico & repello. Quibus id faciam adductus rationibus jam demonstravi. Doces præterea id Ramo vehementer placere, ut methodus a notioribus nobis, id est, ut tu eruditè interpretaris, a specialibus progrediatur. Sic enim (ut loqueris) in dialecticis institutionibus scribit.

Methodus clarius procedit, obscurius sequitur.

ID omnino voluisse P. Ramum, & illius orationi nullam aliam sententiam subiectam esse posse summopere contendis. Quid igitur faciam? quid consilii capiam? si vera prædicas, si non illudit tua aut hallucinatur theoria: inanem operam in P. Rami methodo ab impetu analytico vindicanda navasse me intelligo. Sin verò id secus fuerit, si P. Ramus universalia esse & natura & nobis clarissima asseveret, si id excellenti ratione, persæpe summo studio suadere conatus sit, si denique Everardus

rardus Digbeus Rami methodum & ab universalibus perpetuò progredi & a notioribus semper institui, & tamen esse unicam fateatur, eamq; decimo sexto dialogi sui capite refellat : quæ est ista in depravandis Rameæ disciplinæ institutis tam inaudita vel inscitia vel audacia? Quid loquar de barbara & illiterata orationis formula, quam P. Ramo summo latinè & ornatè dicendi magistro affingis? *Methodus clarius procedit, obscurius sequitur*: quod est abs te nullo judicio ter iteratum. Potest P. Ramus quòd olim adversus Jacobum Schecium, id nunc multò justius tuis barbarissimis commotus dicere :

Quem recitas meus est ô Fidentine libellus.

Sed malè dum recitas, incipit esse tuus.

VERUM mittamus ista : & sapientiæ tuæ ad propositam thesin explicandam adhibere artificium excutiamus. Disseris eam esse P. Rami sententiam, ut a specialibus initium methodi trahendum esse putet, quia methodum a notioribus vult progredi.

gredi. Primò idipsum similitudine quadam illustras.

Homini (inquis) egredienti propria domus est notior reliquo itinere, & quo remotior est gradus unusquisque ab incipiente, tanto est obscurior, ultimus autem obscurissimus. Unde pro elegantia barbarismi tui concludis, Lucidius procedere methodum, obscurius sequi respectu nostri.

O infantissimæ conclusionis iudicium. Quòd si aptissimæ similitudinis lucem attulisses, tamen ad tam audacter concludendum timidè & diffidenter accedere debuisses. Nunc autem cùm similitudinem alienam, cùm malè coherentem, cùm mancam & quasi nervis illisam esse constet, an tantum nectendæ conclusionis audaciam ferendam arbitraris? apponatur similitudinis redditio ineptiæ ut magis elucescant. Methodum ingressurus homini e domo in viam ingredienti comparatur: & viæ gradibus gradus methodi. Ut igitur homini viam ingredienti propria domus est notior reliquo itinere: sic

fic discipulo methodum ingredienti quid obsecro notius erit? opinor locus ille, in quo commoratur & pernoctat, omnibus methodi gradibus notior erit. Quo quid excogitari potuit ineptius? Deinde ut primus itineris gradus secundo notior est, secundus tertio: quanto autem quisque ab initio remotior est, tanto obscurior existit: sic in methodo primi gradus secundis, secundi tertiis notiores sunt: & quo quisque remotiorem sedem fortitur, eo in maiore obscuritate versatur. Ecquis unquam fuit Everardo consideratior? ecquis unquam sapientior? Docere voluit methodum P. Rami a specialibus principium ducere. At ista similitudine res pro claritate notitiæ suæ disponi demonstravit: adeo ut quæ notissima sunt, ea primo loco; quæ obscurissima postremo; quæ intermediam naturam sequuntur, medio sint collocanda. Hanc dispositionis formulam a notioribus institutam in methodum ab universalibus aptissime convenire differui. At (inquies) specialia sunt notissima. Id hercle Everarde similitudine tua illustrandum fuit: in eo caput controversiæ positum est.

Tu

Tu verò a propofita quæftione defleſtis, probaſq; non illud, ſpecialia nempe lumine notitiæ præſtare generalibus, quòd ad tuæ de P. Ramo ſententiæ confirmationem imprimis valebat, ſed illud, methodũ a notioribus inchoatam ad ignotiora progredi in quo tibi non tua claudicante ſimilitudine adducti, ſed ſumma ratione perſuaſi vehementer aſſentimur: cum tamen in illo a ſpecialibus progreſſu acerrime tibi repugnemus. Quare illud es hujus ſimilitudinis ornamento aſſecutus, ut te jam refragantibus muſis methodum attigiffe exiſtimemus. Quid, an in cæteris aliquid luculentius conſectare? Das hercle operam: ſed mira theoriæ tuæ infelicitas. tali enim iudicio concludis.

Si Ramus de notioribus differens intelligit generalia & notiora natura, Ramus vult methodum ab obſcuriſſimis & confuſis progredi.

At Ramus non vult methodum ab obſcuriſſimis & confuſis progredi.

Ramus itaque per notiora non intelligit univerſalia & notiora natura.

QUI AE eſt iſta de Rami opinione tam pertinax,

tinax, tam ridicula, tam obesa disputatio? cum ipse opinionem suam & Lutetię frequenter in regia cathedra quasi legē elegantissima suasionē promulgarit, & divulgatis libellis toti Europę illustrem ac testatam reddiderit. Siquis a te de notioribus nobis differente sola intelligi & notari generalia constanter affirmaret: annō ipsum testes colligere stultitię suę, annou furenter debacchari diceres? cum vbique notiora nobis pro specialibus in dialogo tuo personent. Ramus istam tuam si viveret in re clarissima tam putidam diligentiam vel risu vel commiseratione exciperet: immo si de syllogismo tuo audire pro singulari facilitate gravaretur, propositionis consequentiam a se detestaretur: utpote qui rerum generalium clarissimam lucem naturamq; notissimam tantopere antehac in summa hominū celebritate & conventu prædicarit. Verum progredere, & quę reliqua sunt ea festinanter expedi ac evolve. Etānim ista me excruciat & conficit theoria.

Si Ramo (inquis) ea, quę appellat notiora, sunt generalia, quod finis est, id erit initium.

At

At ut quod in fine explicandum est, id initio proponatur absurdum fuerit.

Non itaque quæ notiora sunt, ea Ramo generalia sunt.

Vtinam tibi prudenter differendi laudem gratulari aliquando potuissem. Ista tua logici iudicii inopia facit, ut quidlibet ad somniandam conclusiunculam arripias. Quis tibi de propositionis consequentia sententiam ascribet suam? Quis eam a Cantabrigiæ Academiæ philosopho effingi potuisse iudicabit? Excita quæso acumen tuum, & aliquid accuratius aliquando profer. Protulisti certè quiddam accuratissimum. Sic enim pro tuo theorico acumine differis.

Si generalissimum sit artis initio disponendum, non est in arte addiscenda ulterius progrediendum.

At est ulterius progrediendum.

Generalissimum igitur non est artis initio disponendum.

Facio non libenter, ut te hominem novarum monarchiarum molientem, toties de consequentiæ imbecillitate admoneam. Sed ecce

hujus tam affectę & deploratę consequen-
tię adminiculum.

*Scientia (inquis) comparata non est ulterius
progrediendum.*

Cognito generalissimo scientia est comparata.

*Cognito itaque generalissimo non est ulterius
progrediendum.*

PROPOSITIO syllogismi hujus si de in-
tegrę artis scientię singulis partibus cog-
nitione comprehensis intelligatur, est cer-
tissimę veritatis. Sin verò particulę alicu-
jus scientiam designat, abhorret illa qui-
dē a vulgari sensu. Atqui verò in Assump-
tione mirificę delicię sunt. Nullum enim
dubium est, quin cognito generalissimo,
nempe artis principe definitione aut par-
titione, tota ars omnibus mēbris singilla-
tim evoluta subtiliter ac plenē cognosca-
tur. Hanc tu rationem opinor Everarde in
artibus cognoscendis secutus es. Libasti e
singulis disciplinis quod erat clarissimum
natura & generalissimum : quo intellecto
tibi necesse non fuit res cēteras in arte tra-
ditas ingenio & industria persequi. Via
mehercule ad scientiam maximē compen-
diaria. O te beatum cui soli ex omnibus
istam

istam percipiendarum artium viam natura patefecit. O nos infortunatos & miseros, quorum cogitationes in singulis propositæ disciplinæ partibus prius elaboraverunt, quam aliquem pulcherrimæ scientiæ gustum haurire potuerunt. Verumenimvero utinam musas illas, quæ artibus præsident, in consilium cogitationum tuarum adhiberes: utinam te ab illis institui sineres ad philosophandi sapientiam. Non istæ te diutius sophismatum argutiæ torquerent: non in theoriis tuis perpetuò delirandum censeret.

CAP. XIII.

SED quousque tandem dialogi tui delicatissimæ theoriæ protrahentur? quousque corrogandis in unum quisquiliis incumbes? De facilima methodo rem transactam res etis: Quid sit prius ad nos balbutire non desinis: de cognitione et sensibus orta disputas: ubi te de experientia & inductione ad artes constituendas philosophantem amplector. En cap. 37. iterum adest compositoria methodus, sequæ ad capita consequentia liberaliter diffudit.

Docetur ergo compositionem præcedere analyfin: compositione artes esse discendas: compositionis & analyseos usum esse quærentem ab initio itineris ad optatum finem perducere: definitionem & divisionem esse methodi perficiende instrumenta: quid definitio sit & quid divisio: quis usus definitionis & divisionis.

CAP. XIII.

IN SIGNE problema agitur dialogi tui capite 44. utrum nempe definitio artis sit primò tradenda ac discenda. Differis pro tuæ sapientia theoriæ, definitionem non esse primò discantibus proponendam. Argumenta in hanc sententiam tua breviter subijciam, eaq; puerulis qui dialecticam vix primis adhuc labris attigerunt discutienda relinquam & refellenda.

Quod prius novimus (inquis) id non est artis initio tradendum & discendum.

At definitionem prius novimus quàm ad artem accederemus.

Definitio igitur non est artis initio discenda & tradenda.

DICI

DICI non potest quàm eleganter.

deinde

*Confusum & obscurum non est artis initio
discenti tradendum.*

Definitio est confusa & obscura.

*Definitio igitur non est artis initio discenti
tradenda.*

Acumen tuæ agnosco excellentissimæ
dianoix. quid tum?

*Quæ ratio discenti est inuenusta, & arti ab-
solutè constituenda nostræq; institutionis
minimè convenit, ea artis initio non est
proponenda ad discendum.*

*At Definitio est ratio discenti inuenusta &
arti absolutè constituenda nostræq; institu-
tioni minimè convenit. Cap. 45.*

*Definitio igitur non est artis initio discenti
tradenda.*

Quom ad tollendam definitionem potuit
cogitari divinius? Perge.

104 **DE MIN. DE UNICA**

*Quod principium affirmat aut negat, multum
abhorret a definitione cap. 53.*

*Methodi analytica principium affirmat aut
negat.*

Multum igitur abhorret a definitione.

O beatam celeberrimi philosophi theori-
am. quid restat?

*Quod rei summam continet & discenti as-
fert radium, non est artis initio proponendū.*

*Definitio rei summam continet & discenti
affert radium. cap. 53.*

Definitio igitur non est artis initio proponenda.

NIHIL FINGI POTUIT

IN EST in dialogo tuo quod monarchia
dignum videri potest: sed labor iste in a-
mandanda ab artium principiis definitione
ejusmodi est, ut siquid splendore monar-
chiae præstantius esse queat, id ei sit multis
nominibus meritissimo tribuendum.

CAP.

CAP. XV.

VERUM quid reliquum est? Differitur
qua methodo in simplici themate, qua
in composito utendum sit.

*Methodus (inquis) simplicis thematis expo-
nendi per quatuor quaestiones absoluitur:*
An est, Quid est, quia est, cuius gratia est.

AT QUI verò mirificè methodorum ar-
chitecte de rei ad tractandum propositæ
natura argumentis logicę inventionis e-
nuntiato aut syllogismo dispositis illu-
stranda imprudens differis. Nihil ad hu-
jusmodi explicationem e methodo subsi-
dii petendum est. Sed postquam differen-
tes institutam thesin & illustri definitione
sapienter complexi sint, & eandem in mē-
bra partiti subtilissimè: postquam omnem
efficientis rationem eolverint, & rei ma-
teriam, formam, finem luculenter expli-
carint: postquam ejusdem cum levius-
culam e diversis discrepantiam, tum
graviores e disparatis ac contrariis ma-
gisque incensam pugnam politissimè
descripserint: postquam splendore pa-

rium, exaggerata majorum ac minorum gravitate, lectissimis similium & dissimilium elegantis, luminibus generum & specierum, pondere gravissimi testimonii, eandem ad enuntiati & syllogismi præcepta accommodatè confirmarint & exornarint : tum demum ad istas tot res, tam varias & discrepantes, ordine digerendas methodus adhibenda est . Immo omnia quibuscunque aut simplicis thematis natura subtilius enodatur, aut vis compositi thematis exponitur, omnia (inquam) una & eadem methodo sunt disponenda. Sed quando ista de methodo quæstio concludetur ? propositum tibi fuit duplicis solummodo methodi demonstrationem instituere : at magnū methodorum numerum confecisti . Poteras bipartitæ methodi tractationem dilucidè & strictim conclusisse : at eandem infinitis tautologiis referisti ac confudisti . Ac ne tibi falsum crimen intulisse videar, non gravabor numerū methodorum et illam tautologiarum infinitatem conjunctim tibi velut ob oculos proponere.

METHODORUM NUMERUS

a Digbeio frequentissimis tauto-
logis expressus.

Methodus speculantis.

Methodus agentis

Methodus demonstrantis

Meth. docentis imperitos

Meth. credentis

Meth. dubitantis

Meth. dialectica. Cap. 11. 12. 13. 14.

Meth. lucis

Meth. tenebrarum

Meth. mentis

Meth. sensus

Meth. nostri

Meth. natura

Meth. descendendi

Meth. ascendendi

Meth. progrediendi

Meth. regrediendi

Meth. texendi

Meth. retexendi

Meth. popularis

Meth. exacta

Cap. 13.

Cap. 16.

Cap. 18.

Meth.

Meth. notior nobis

Meth. notior natura

Meth. analytica totius in partes

Meth. analytica finis in media

Meth. lucis

Meth. tenebrarum

Meth. mentis

Meth. sensus

Meth. inveniendi

Meth. docendi

*Meth. analytica descendens ab
universalis ad conclusionem de-
monstrando*

*Meth. procedens a deliberatione
finis*

Meth. docendi scientias

Meth. instituendi rudes

*Meth. descendens ab universalis
ad particulare*

*Meth. ascendens a sensu ad intel-
lectum*

Meth. a fine ad media

*Meth. inventionis proficiscens a
finis deliberatione ad media.*

*Meth. inventionis proficiscens a
generatione mediorum ad finem.*

Cap. 19.

Cap. 20.

Cap. 21.

Cap. 22.

Meth.

*Meth. descendens ab universalis
& propria causa ad particula-
rem conclusionem.* } *Cap. 23.*

*Meth. surgens ab imo ad sum-
mum per synthesisin.*

Meth. analytica. } *Cap. 24.*

*Meth. resolvens quodque in gra-
dus prima simplicitatis.*

Meth. a sensibilib. ad intellectilia

*Meth. a demonstratis ad demō-
strabilia.*

*Meth. a suppositis ad ea quae sine
suppositione sunt.*

Meth. a genere ad species. } *Cap. 25.*

Meth. a partibus ad totum

Meth. a fine ad media.

Meth. a causis ad effecta. (ferius

Meth. revocāds superioris ad in-

*Meth. revocandi inferioris ad
superius.*

Meth. resolvens totum in partes.

Meth. resolvens finem in media.

*Meth. ascendens a particulari
ad universale.*

*Meth. descendens a superiore ad
inferius.* } *Cap. 26.*

Meth.

*Meth. resolvens universale demon-
strando.*

*Meth. resolvens totum in partes
integras.* } *Cap. 26.*

Meth. resolvens finē in media.

*Meth. a questione procedens ad
proximā causā, ab hac ad tertiā.*

*Meth. descendens a causa prima
per proximam ad illustrandā
questionem.* } *Cap. 27.*

*Meth. descendens ab universali
ad particulare.*

*Meth. descendens ab universali
ad particulare.* *Cap. 28.*

Meth. imperitia nostra.

Meth. perfectionis & scientia. } *Cap. 29.*

Meth. demonstrativa.

Meth. exactissima. *Cap. 30.*

Meth. analytica. *Cap. 31.*

Meth. discantis. *Cap. 32.*

Meth. analytica & perfectissima

*Meth. facilima & nobis commo-
dissima.* } *Cap. 33.*

Meth. facilima & nobis notior. *Cap. 34.*

Meth. a parte ad totum.

Meth. ab incōplexis ad cōplexa } *Cap. 35.*

Meth.

Meth. a sensu ad universale. Cap. 36.

*Meth. compositoria in generalis
efformatione singularum no-
tionum.* Cap. 37.

*Meth. compositoria conjungens
partes in toto integrali.*

*Meth. compositoria a partibus ad
totum.* Cap. 38.

Meth. resolvens totum in partes.

Meth. compositoria discentis

Meth. ab uno ad plura.

*Meth. ab in complexo ad com-
plexum.* Cap. 39.

Meth. a parte ad totum.

Meth. compositoria

Meth. resolutoria. Cap. 40.

Meth. definitiva

Meth. divisiva. Cap. 43.

*Meth. rhetorica & communis
prudentia*

Meth. dialectica Cap. 44.

Meth. mixta

Meth. simplex.

Meth. compositoria. Cap. 46.

*Meth. totam scientiam dispo-
nendi.* Cap. 47.

Meth.

Meth. interpretandi singulos gra-
duſ ſcientia.

Cap. 47.

Meth. thematis compoſiti.

Meth. thematis ſimplicis.

Meth. diſcendi unum gradum.

Meth. diſcendi totam ſcientiam.

Meth. particulares gradus expli-
candi.

Cap. 48.

Meth. ſimplicis thematis.

Meth. compoſiti thematis.

Meth. compoſitoria tractandi cō-
poſiti thematis.

Cap. 49.

Meth. reſolutoria tractandi com-
poſiti thematis.

Meth. analytica.

Meth. ſynthetica.

Cap. 50.

Methodus mixta.

Meth. perfectionis ad nos.

Meth. noſtri ad perfectionem.

Cap. 51.

Methodus mixta.

Cap. 52.

VICISTI Everarde, vicisti. Methodi cer-
tè unitas convulſa planè & expugnata cō-
cidit. Ubi ergo jam laurea? ubi præan? ubi
io triumphæ? Equidem ad tuam cohōne-
ſtandam illuſtrandamq; victoriam conſti-
tuendus

tuendus Senatus a quo ornere: decernendus currus in quo laureatus per urbem vehare: excitandum capitolium, in quod ovans & summo applausu ascendas. Sed Deus bone cur hæc tam præclara cogito? cur capitolium, currum, senatum commemoro? an ad Everardi gloriam conficienda ista & adornanda? Quidni? etenim in susceptam de methodo disputationem agrestes tautologiarum acervos, fæculentum methodorum gregem, anile & inveteratum sophisma, crudas & languescentes rationes, mancas & enarvatas conclusiunculas detrusit, compulit, corrogavit.

CAP. XVI.

De Digbeiana methodorum praxi.

DI A L O G I tui bipartita ratio est. Nam aut de methodo præcipit, aut de praxi methodi constitutæ loquitur. Præceptionis mirificam elegantiam & omni expositione distinctam vidimus. Sequitur jam methodi praxis: de qua necesse non est, multis ut disseram: præsertim cum meâ de methodorum tuarum præceptis sententiam satis longa oratione exposuerim. Veruntamen illud non illibenter dixerim, te

H. in

in praxi ista delineanda & a methodi instituta superius præceptione descivisse, & multa aliena inferuisse. Quid? compositoria illa methodus, qua in descriptione grāmaticæ, dialecticæ, arithmeticæ, geometricæ usus es, annon tuis de methodo compositoria institutis repugnat? ais in primo dialogi tui libro permultis capitibus synthese istam a nobis notiorib⁹ & specialib⁹ ad generalia & natura notiora proficisci. At tua harū artium cōpositio ejusmodi est, ut earum unaquæq; a generalibus ordiatur. In grammatica vis literam syllabæ, syllabā voci, vocem orationi præponi. Sic in compositione dialecticæ placet tibi ut argumentorum ratio primò explicetur: deinde enuntiati doctrina subsequatur: postremò syllogismi natura enodetur. Sic in Arithmetica ab additione, subtractione, multiplicatione, divisione ad reliqua p̄grederis. Sic in Geometria vis ut linea superficiem, superficies corpus antecedit. Hæc illa est (Digbeie) Ramea accuratissimi compendii, intelligētiæ, memoriæ via: in quā tu aliud meditans incidisti. Expēde ista paulo quàm soles diligētius. Deprehendes in grāmaticis naturā literę ad plura diffusam

esse quàm syllabę: & syllabā voce, vocem oratione generaliore[m] exister[e]. Quin & in logicis argumentū enūtiato, enuntiātū syllogismo latius patet naturaq; prius est: adeo ut in hac utraq; arte explicatio consequentiū e disciplina antecedentiū oriatur. Idē de Arithmetica & Geometria intelligi volo. Nōne te igitur methodorū præclarū artificem habemus, qui aliud præcepto cōprehendas, aliud usu praxiq; exprimas? Differis præterea analyticā methodum ab universaliū tractatione exorsam, singularem circūscriptione terminari. At cū analyticæ methodi typū tuo artificio effectum exhibere vis, universalia præpositis singularibus ad infimā sedē deturbanda censes. Hęcine facere hominē Anglū & Cantabrigiēse & volumina magnificis inscripta titulis divulgantem convenit? Ne tu quid in methodo universale, quid speciale dici debeat, planē ignoras. Ad istā de methodo disputationē sic accessisti, ut cæcus ad ferendā sententiā de coloribus. Annon quid in jureconsulto civilium causarum actore Crassus primo oratorio insectetur, meministi? Ait eū gravissimē offendere & existi-

mationi suæ labem inferre, qui cùm quid suum, quid alienū, quid civis aut peregrinus, quid liber aut servus sit, ignoret; tamē volitare audeat in foro, hære in jure ac prætorum tribunalibus, judicia magnarum rerum obire, jactare se in causis centumviralibus, deniq; de rerum gravissimarum jure perorare. Quid? quantum abesse dicemus ab isto Jureconsulto Everardum? In grammaticis pueriliter hæsitat: utpote qui solæcismos frequenter intexat. In rhetoricis eam gratiam & venustatem consecratur, ut ornamenta ad risum commovendū attulisse, non ad poliendam orationē quæsisse videatur. Quòd si quis tertiā epistolæ methodorum tuarum elegantis præfixæ bene longam periodum excutiat, perspiciet te eloquentiæ tuæ confidentia depastum e tenera pectoris tui tellure non modò rerum magnarum seminaria profudisse, sed etiam ad decorandam methodi disciplinam Maii flores virides & redolentes Aprilis scatebris irrigatos præ amore edidisse.

IMMO verò cùm & illius periodi singularem

larem eloquentiam solœcismi ornamento instructam & in cæteris trium epistolarum partibus exquisitissimas rhetoricę elocutionis delicias notaverit, tibi aliquo Alabandensi Apollonio opus esse intelliget, qui te ad aliam artem dimittat, & de abjiciendo studio orationis faciundę & poliundę prudenter admoneat. Quid? in dialecticis quantus es? profecto tantus, ut non prædicamentorum gurgustio concludendus, sed in transcendentium numero reponendus judicere. Calles enim spinosulas prædicabilium argutias: non ignoras quàm sint delicatulę in prædicamentis lautitię: mirificam illam de quatuor topicis prædicatis cantilenam canere didicisti: modalium & conversionum contortula sophismata commentando decoxisti: industriam tuam ad syllogismi demonstrativi honorificam theoriam exercuisti: methodorum omnem sapientiam gustavisti. Nonne ergo toto apparatu instructus es logici artificii? Ego certe (non loquar ut artificio inanis assentatiunculę auribus tuis dem aliquid) te ad scholam Dorbellę & Scoti aliquam ingenii vim indolemque

attulisse statuo, ab eadem verò exiguam illius partem eamq; nimis vacillantem & affectam retulisse. Attamē, cum sis in grāmatica ἀρεμματος, in rhetorica ἀρεμτος, in logicis ἀλογος, non solitudinem & umbram quęris, sed audes in oculis civium & clarissima luce versari, insidere in subsellis præstantissimorum hominū, venditare te in gravissimis disciplinarum mysteriis, de expeditissima ad scientias via gloriari, polliceri deniq; monarchiam. Ista tanta confidentia fecit, ut quę de methodo præcepta tradidisses, ab eisdem in praxi vehementer aberrares. Fecit etiam ut rhetoricā & dialecticam nō modò suis coloribus illustrares, sed etiam deformares alienis. Quid enim arti rhetoricę cum inventione, dispositione, memoria? quid cum præceptis exordii, narrationis, confirmationis, epilogi? Nō potest (fortasse inquires) formari ad dicendum oratio, non causa in foro perorari, nisi acumen inveniendi, disponendi prudentia, memorię subsidium accesserit. Quid tum? ideone artium leges permiscēdę & cōfundendę reclamant Aristotelica lex καὶ αὐτο. Nō patitur quod uni arti, p̄pri-

um cognatumq; est, id alterius discipline membrum esse. Istam tantam confusionem, tantam *ἡμωγίαν* ferre non potest. Si pictor in delineanda hominis imagine & articulis distinguenda, non germana membra depingeret, sed a brutis animalibus ad expolitionem picturæ aliena accerferet, utrum pro imagine hominis labes picturæ tanta ac tam gravis probaretur? nullo certè modo. An itaque in artem eloquentiæ tantos rerum peregrinarum elenchos transferri oportebit? Non appetit rhetorica alterius artis patrimonium: non vult in alienum irruere: suis & concessis & traditis contenta est. Da illi exornationem per tropos & figuras & numeri eleganter demensi suavitatem: Da orationis sic exornatæ pronuntiationem: nihil a te requireret amplius. Quinetiam dialectica remittet tibi prædicabilia & prædicamenta: non vult sese ad alterationem topicæ quæstiunculæ totam alligari: non patietur modalium, oppositionum, conversionum sophismatis sese diutius onerari: distributionem aut locorum in personas & res, aut argumen-

rationis in syllogismum, enthymema, inductionem, exemplum vehementer improbat: æquivoca & univoca & ejusmodi faces planè averfatur. Ait sese P. Rami singulari ingenio a tanta sophismatum coluvie repurgatam, & pristino nitore, avitæ etiam dignitati restitutam, non passuram deinceps, aliqua ut sibi labes et alium sophismatum sordibus contrahatur: neq; ut ab ulla commætatione, ab ulla actione sive publica sive privata, ab ullo congressu, ab ulla celebritate curiæ aut rostrorû, ab ulla acie & campo avocata, & scholarû finibus circumscriptam delitescat. Veruntamen si P. Ramum in refellendis prædicabilibus, in dissipandis prædicamentis, in modalium, oppositionum, conversionum argutiis cōvellendis, in cæteris quibuscunq; e logico agro extirpandis, in tribus illis promulgâdis legibus *κατα παντος, καθ' αὐτο, καθ' ὅλην τρεῖς*, errasse & hallucinatum esse docueris, tibi libenter cedit, & P. Ramum insanix condemnabit. *Habes jam* (Digbeie) meâ de unica P. Rami methodo retinenda admonitionem, nō perfectam illam quidem ingenio, quis enim ego sum? non elaboratâ indu-

industria, quam hercle præciderunt occupationes meæ: sed eam tamē (ut spero) quæ ad nascētem methodorum multitudinem coercendam satis in se virium & nervorū habere videatur. Vtinam verò tantum apud te valere potuisset, quantum ad incirandam in te curam existimationis tuæ, & commovendam vim majoris diligentiaē satis esse possit. Equidem dum analyticam theoriam, & dialogum tuum intueor, videris mihi animi in laude colligenda & in contemnendis de tuo ingenio hominū judiciis nimium profectò dissoluti. Histrio non antè in scenam prodit, quàm frequēti usu suavitatem vocis & in reliquo motu summam elegantiam acciverit. Nec athleta prius in arenam descendit, ut se populo det, quàm sese ad rationem & plagæ perscianter inferendæ, & eleganter vitandæ, diligentissimè exercuerit. At quid ita? ille sibilum, hic adversam acclamationē metuit: uterq; inspectātis populi judicio permovetur. An igitur erit vel actor in theatro consideratior, vel athleta in palæstra sapientior, quàm philosophus in schola & vita communi? Equidem per mihi turpe

videtur, qui tuendæ existimationis & tradendæ sapientiæ disciplinam proficitur, cum minus sapienter agentem ab infamia non multum abesse. Meditaris volumina Everarde. Probo hercle. Quid enim aliud agere convenit hominem ingenio & otio abundantem? meditaris eadem in Cantabrigiensi Academia longè (ut audio) florentissima. Quid tum? gratulor equidem Cantabrigiæ. Emittis etiam in publicum. Ne id sanè reprehendo. Quid enim, cum patriæ natus sis, melius agere potes, quàm ut patriæ utiliter consultas? Inscribis etiam separatim magnatibus. Placet & illud. Nam quorum magnificentia literæ & satæ primò sunt & postea floruerunt, eisdem literarum velut primitiæ sunt meritò consecrandæ.

Sed quæ meditaris domi volumina, quæ emittis in publicum, quæ magnatibus inscribis, ea barbariem redolent, sapiunt vietam & diffluentem theoriam, jejuna & horridiuscula sophismata completuntur. Hic in te illam prudentiam, illâ diligentiam desidero, quam in oratore inesse vult Ciceronis L. Crassus. Vult ille

ora-

oratorē timide ad dicendū accedere: vult sollicitū de hominū judiciis, & plurimorū expectatione commotum exalbescere in principiis: & etiamsi optimè dicit idque facilius atq; ornatissimè facere potest, tamen ne aliquid neq; dignū re, neq; dignū nomine oratoris, neq; dignū hominū auribus efficiat, magnopere perturbari. Vbi Everarde cū tui divulgādi libelli essent timor iste? ubi anxietas? ubi studium satis ornatissimorū hominū judiciis faciendi? Ecquid tibi in mentē non venit de illius, in cuius nomine apparuerūt vigilæ tuæ, amplissima dignitate cogitare? Magnū nomen Christopheri Hattoni & illustre jamdiu fuit, nec vobis Anglis duntaxat notū, sed etiā apud exterarū regiones celeberrimū. Quæ illi virtus? quis splendor? quod ornamentū deest? vides gravissimā ab eo personā sustineri: vides in administratione reipublicæ vestræ assiduè versari. An igitur audebas tantū hominē, tā excellentē Senatorē, tam vehementer districtum negotiis præclarissimæ reipublicæ, frigidiusculis theoriis & inanissimis lucubrationibus compellare? poterant certè de-

deterruisse te ab instituto isto eruditissimo
rum hominum in transmarinis nationibus
judicia. Sed mitto J. Sturmium, cujus omnia
certè sunt scripta dulcissimè : mitto Zuin-
gerum, Volfium, Simlerum, Gualterum,
Bezam, Simonium, Portum, Schecium, Bo-
dinum, viros certè acumine & eruditione
propè singulari. Prætereo J. Thomam Frei-
gium, Schorum, Scribonium, Rhodinum,
Mikilmanæum, Salignacum, Beurhusium, Fo-
quelinum, Ossatum, Minoem, Bergeronium,
Martinium, quibus hominis nihil ferè ex-
cogitari potest limatius, nihil elegantius.
Quinetiam taceo de Oxoniensi Acade-
mia, quæ clarissimarum artium gloria an-
tecellit. Quid? ut ad Cantabrigienses tuos
veniam : annon Cantabrigiensis Acade-
miæ, in qua quot sunt gymnasia, totidem
in esse videntur confessus principum, a-
cerimum & literatissimum judicium ve-
rebare? Est (ut ferunt) Cantabrigiæ Comes
Essexius, adolescentulus ille quidem, sed
ita eruditus a literis, & ita compositus ad
splendorem & dignitatem, ut siquid in a-
dolescentulo ad commovendam admira-
tionem quæras, id omne in Comite Essex-

io eminere dixeris. Nihil te ille movere potuit? Nihil illa lumina & ornamenta vestrae Academiae Bartholomæus Clericus, Levinus, Bingus, Dodingtonus? a quibus si qua scribuntur, ea ita perscribuntur divinitus, ut illis loquentibus Ciceronem non desideres. Nihil te complures alii in Cantabrigiensi Academia moverunt? quos esse audio excellentis ingenii, exquisitæ doctrinæ, exculptissimæ sapientiæ. Debuerunt isti tot ac tam præstantes viri tibi in mentem venisse Everarde. Debuit de illorum judiciis suscepta cogitatio tibi præcipitem illam publicandi libelli cupiditatem excussisse. Ego certè pro eo quo Anglos complector amore singulari, & quia gloriæ Cantabrigiensis Academiae vehementer faveo, tibi integritatem nominis & famæ, laudem prudentiæ & consilii, P. Rami in quolibet artis genere divinitatem exopto.

FINIS.